

摘藻堂四庫全書薈要

子部

欽定四庫全書叢要

子部

御定淵鑒類函卷二百九十七

欽定四庫全書薈要卷一萬一千六百四十五

子部

御定淵鑑類函卷一百九十七

文學部六

詔 書記

敕附

檄

制誥

章奏

表

移

圖

識

符

詔一 敕附

增易曰隨風巽君子以申命行事 書曰文命敷于四

海 史記管仲傳曰下令如流水之有源令順民心故

論卑而易行 漢書劉向上封事曰渙汗其大號言號

令如汗汗出而不反者也 後漢書陳忠疏薦周興曰

古者帝王有所號令言必弘雅辭必溫麗垂於後世列
於典經故仲尼嘉唐虞之文章從周室之郁郁 中說
問易篇曰程元問叔恬曰續書之有志有詔何謂也叔
恬以告文中子曰志以成道言以宣志詔其見王者之
志乎其恤人也周其致用也悉一言而天下應一令而
不可易非人智博通則天明命其孰能詔天下乎 文
心雕龍詔策篇曰淵默黼扆而響盈四表惟詔策乎
又曰王言崇秘大觀在上故授官選賢則義炳重離之

輝優文封策則氣含風雨之潤敕戒詔誥則筆吐星漢之華治戎燮伐則聲有滂雷之威青災肆赦則文有春露之滋明罰敕法則辭有秋霜之烈此詔策之大略也又曰戒敕為文實詔之切者周穆命郊文受敕憲此其事也魏武稱作敕戒當指事而誥勿得依違曉治要矣周必大宋文鑑序曰典冊詔誥則欲溫厚而有體潛確類書照人之闇曰詔王禕文訓曰朝廷之上有巨文焉典謨誓誥制冊令詔藹為王言渙為大號

又曰一字之褒沛漏泉於下地一言之感被挾纊於黎
蒸朝出九重暮行萬里

詔二

敕附

增書曰舜命龍曰汝作納言夙夜出納朕命 文心雕
龍詔策篇曰秦并天下改命曰制漢初定儀則命有四
品一曰策書二曰制書三曰詔書四曰戒敕戒州郡
詔誥百官制赦命策封王侯策者簡也制者裁也詔
者誥也敕者正也 文章緣起曰詔起秦時 漢書武

帝紀贊曰號令文章煥焉可述後嗣得遵洪業而有三代之風 又匡衡傳曰諸見罷珠崖詔書莫不欣欣人自以將見太平也 蔡邕獨斷曰詔書者詔誥也有三品其文曰告某官官如故事是為詔書羣臣有所奏請尚書令奏之有制曰天子荅之曰可若下某官云云亦曰詔書羣臣有所奏請無尚書令奏制字則荅曰已奏如書本官下所當至亦曰詔 又曰戒書戒敕州刺史太守及三邊營官被敕文曰有詔敕某官是為戒敕也

世皆名此為策書失之遠矣 南史傳曰顏晃字元明

陳天嘉初累遷散騎常侍兼中書舍人掌詔誥下筆立
成便得事理 隋書傳曰李德林字公輔周武帝嘗於

雲陽謂羣臣曰我常日惟聞李德林名及見其與齊朝
作詔書移檄我止謂其是天上人豈言今得其驅使復
為我作文書極為大異 唐書傳曰張昌齡貞觀末翠
微宮成獻頌闕下召見試息兵詔少選成文帝大悅
又曰崔元翰舉進士年五十矣于邵以其文推異等曰

後當司詔令 又曰孫逖開元間蘇頲齊澣蘇晉賈曾
韓休許景先及逖典詔誥為代言最而逖又精密張九
齡視其草欲易一字卒不能也 又曰徐安貞開元中
為中書舍人集賢學士每上屬文作手詔多令安貞視
草 又曰徐浩肅宗立由襄州刺史召授中書舍人四
方詔令多出浩手遣辭贍速而書法至精帝喜之 又
曰劉瑒宣宗始復闕隴裁處叢繁書詔夜數十雖捉刀
遽成辭皆允切 又曰韋承慶屬文敏無留思雖大詔

令未嘗著橐 又曰李德裕字文饒善為文章其處報

機急武宗一切令德裕作詔德裕數辭帝曰學士不能

盡吾意 又曰杜讓能僖宗時方關東兵興書詔叢浩

讓能屬思精敏處事值機無所遺算帝倚重焉 五代

史傳曰李琪為梁太祖翰林學士征伐四方所下詔書

皆琪所為下筆輒得太祖意 又曰張文蔚是時制度

已隳文蔚居翰林制誥四方獨守大體 宋史傳曰劉

一止為文不事纖刻制誥坦明有體書詔一日數十輒

辨 又曰張方平進詔草帝親批之曰卿文章典雅煥
然有三代風又善以豐為約意博而辭寡雖書之誥命
殆無以過也 金史傳曰韓昉雖貴讀書未嘗去手善
屬文最長於詔冊 又曰党懷英能屬文工篆籀章宗
曰近日制詔惟党懷英最善移刺履進曰進士擢第後
習吏事不復讀書近日始知為學矣 元史傳曰徐世
隆至元元年遷翰林侍講學士兼太常卿朝廷大政咨
訪而後行詔命典冊多出其手 又曰張文謙為左丞

建立綱紀講明利病以安國便民為務詔令一出天下
有太平之望 又曰曹元用文宗時草寬恤之詔帝覽
而善之賜金織文綺 吾學編仁宗在東宮專志愛民
細詢疾苦既即位盡行其志每一詔下萬姓歡呼 吳
訥文章辨體序題曰發敕者授六品以下官用之即所
謂告身也

詔三 敕附

增德音 實意

董仲舒賢良對策曰發德音下明詔
玉海太史公書高景二紀詔皆不書上

獨文紀凡詔皆稱工曰
以其出於帝之實意也

皂囊

紫囊

漢詔紀綠緋方
底用御史中丞

印通官文書不著姓詔書皂囊施檢報書綠囊徐彥
伯送李嶠入都祈廟詩曰恩綴青綸賜組裝紫囊懸

紫泥 墨宣

玉海晉詔書以青紙紫泥李紳憶夜
直金鑾奉詔詩曰墨宣外渥催飛詔草

定新恩
促換題

天綽

雲章

鄭惜同草舍人早朝詩曰才良
寄天綽楊億汝州謝上表曰

驟參綸掖獲草芝函屬以堯德彌文漢詞爾雅雲
章有爛諒黼黻以何施天律惟精亦哇咬之罔棄

發

紫宸

下金鑾

王昌齡莖篋引曰紫宸詔發遠懷柔搖
筆飛霜如奪錦李山甫詩曰紫泥飛

詔下
金鑾

似六經

參兩漢

杜甫詩曰黃麻似六經真
德秀曰王言之體當以書之

誥誓命為祖而
參以兩漢詔冊

原青筒詔敕

朱鈞施行

晉八王故
事云張方

逼工出謁宗廟主者奏尅日上以青筒詔敕中書曰朕體中不佳不堪出也漢舊儀云詔書以朱鈎施行

增訓辭深厚

號令溫雅

上詳詔二漢書元帝紀贊曰號令溫雅有古之風

烈

明見萬里

響盈四表

後漢書曰光武賜璽書與賓融當為子孫之謀勿存

輔車之勢既至河西咸驚以為天子明見萬里之外

下詳上

沈思無加

代言為

最

面史傳曰傅綽字宜事掌詔誥為文典麗性又敏速雖軍國大事下筆輒成未嘗起草沈思者亦無以加

遜下孫詳上

自為文章真大手筆

唐書傳曰蘇頲字廷碩帝愛其文曰卿所

為詔令別錄副本署臣某撰朕當留中其後李德裕著論曰近世詔誥惟蘇頲敘事外自為文章玉海周益公擬加上尊號詔其頌太平皇帝云以德行仁本性誠之國有修文偃武合經緯之自然太上皇后云月齊日

以得天恒而能以坤順乾以配地是以廣生上再三稱
獎謂數句用經語該括明倫非卿不能真大手筆也

王達震恐

德明慚拜

唐書傳曰李德裕具處分機急武宗一切令德裕作詔德

裕數辭帝曰非學士不能盡吾意伐劉稹也詔王元達
何敬弘曰宜為子孫之謀勿存輔車之勢元達等受詔
皆震恐思效已而三州降賊遂平帝每稱魏博功輒
顧德裕道詔語以其切於事情能伐謀也下見上

體務純厚

辭皆允切

唐書傳曰元稹知制誥變詔書體務純厚明切盛傳一時下

劉琰見上

被旨即成

援筆無滯

唐書傳曰張九齡始張說知集賢院嘗薦九齡

可簡顧問後天子思其言召為集賢學士會賜渤海詔
而書命無足為者乃召九齡為之被旨即成宋史傳

曰徐鉉太平興國初從征太原軍中詔書填委援筆無滯辭理精當時論推之

後司詔令

世掌絲綸

上詳詔二

杜甫和賈至舍人早朝詩

喜

如意出

能所欲言

唐書傳曰封敖屬辭瞻敏不為奇
澁而理勝武宗使作詔書慰還將

受傷者曰傷居爾體痛在朕躬帝喜具如意出賜以宮
錦元史傳曰王磐草縱因詔帝喜曰此朕所欲言而

不能者卿為朕言之嘉
獎不已取酒以賜焉

天語丁寧

帝言郁穆

歐陽脩詩

曰丁寧天語深曠蕩皇恩闊劉筠回穎州曾學士啟
曰猥玷綸曹仍參靈職帝言郁穆殊無演暢之工王度

清葵深積
優游之幸

太平可待

文運其昌

上夏竦事見五
下曾公事見五

當令易曉

不尚新奇

宋史真宗謂宰相曰詔下當令
中外易曉如以老子為柱史永

安為洛汭非也呂祖謙曰近代詔書或用散文或用
四六散文以深純渾厚為本四六須下語渾全不可尚

新奇華巧
而失大體

詔四

原渙汗大號

見上詔一

其出如綸

禮記緇衣篇云王言如絲其出如綸鄭注云言

言出彌大也綸今有秩嗇夫所佩也

黃紙手詔

辛毘作曹肇傳明帝不豫肇侍疾篤為黃紙手

詔以君輔政常令懷之

青紙詔書

王隱晉書曰楚王瑋臨刑出青紙詔書示監刑劉頌曰此

詔也受此本為杜稷今更為罪頌亦哽咽

尺一詔書

魏書夏侯玄傳云初中領軍高陽許允與

玄親善先是有詐作尺一詔書以玄為大將軍允為太尉共錄尚書事

五條詔書

王隱晉書

云武帝泰始四年班五條詔書於郡國一曰正身二曰勤百姓三曰撫孤寡四曰敦本息華五曰去人事

欽定四庫全書

御定淵鑑類函

八一

與庾公函封

語林云明帝函封詔與庾公亮誤致與王公王公聞詔末云勿使治城公知道王公

乃進表答曰伏讀明詔似不在臣臣聞臣聞無有見者明帝甚愧數月不出見王公

與王導敬

白

晉中興書曰初顯宗幼沖見王導恒拜又帝與導手詔則曰敬白中書作詔則曰敬問於是以為永則

見詔歎曰聖主

東觀漢記第五倫傳云倫每見光武詔書常歎曰此聖主也

奉

詔驚喜踊躍

曹植表云即日奉手詔驚喜踊躍

閤不見事以此示之

釋名曰詔照也人間不見事則有所犯以此照示使昭然知所由也

使自驚飭不敢廢

慢

又云敕飭也使自驚飭不敢廢慢也以上北堂書鈔

增語當意詳

唐書傳曰吳融昭宗

反正御南闕羣臣稱賀融最先至帝有指授疊十許豪融跪作詔少選成語當辭詳帝咨賞良厚

鮮

能赦詔

金史正隆二十三年謂宰相曰制誥文字各以職事鋪敘皆有定式故易撰赦詔則鮮有能者

參知政事粘哥幹特對曰舊人已登第尚為學不輟今人一及第輒廢而不學

最長詔冊

見上

詔二 榻前具草

元文類閣復至元二十三年除翰林學士屢召至榻前面諭詔旨具草以進帝

稱善 角樓草詔

明紀洪熙元年四月時有至自南京者問所過地方何似對曰淮徐山東民多

乏食而有司徵夏稅方急帝坐西角門召大學士楊士奇等令草詔免稅糧之半士奇對曰亦可令戶部知之帝曰有司計國用必持不沒命中官具紙筆令士奇等就西角樓草詔用璽訖遣使齎行

詔五

增頌宋夏竦廣農頌曰景德三年春正月頌農田敕於

天下詔下之日鬼神稱慶太平之風旋踵可待

增碑宋歐陽修王文正神道碑曰趙德明言民飢求糧
百萬斛大臣皆請以詔書責之公請敕有司具粟百萬
於京師詔德明來取真宗大喜德明得詔大慙且拜曰
朝廷有人 明宋濂侍郎曾公神道碑曰倭入寇戍將
捕獲之上憫其無知命公草詔歸其俘有中國一視同
仁語上悅曰頃觀陶凱之文已起人意今曾復如此文
運其昌乎

增疏吾學編明王鏊疏乞講學曰太祖甫得天下開禮
賢館與宋濂劉基章溢輩日相講論其後聖學高明詔
誥天下皆出御製睿翰如飛羣臣拱視

增序明徐一夔陶尚書文集序曰方是時天下大定朝
廷務導宣恩意推序勲閥詔令典冊多出公手

制誥一

增尚書曰仲虺作誥 周官大祝六辭三曰誥 劉熙
釋名曰上敕下曰告告覺也使覺悟知己意也 史記

秦始皇本紀曰命為制令為詔 蔡邕獨斷曰制書帝
者制度之命也其文曰制詔 又曰凡制書有印使符
下遠近皆璽封尚書令印重封惟赦令贖令召三公詣
朝堂受制書司徒印封露布下州郡 吳訥文章辨體
曰漢承秦制有曰策書以封諸侯王有曰制書用載制
度之文 文章緣起曰詔漢司隸從事馮衍作 又傳
論曰典誥命者以辭章典雅為先 文章辨體曰迨乎
唐世王言之體曰制者大賞罰大除授用之 又曰宋

承唐制其曰制者以拜三公三省等職詞必四六以便
宣讀於廷誥則或用散文以其直告某官也 中說賈

瓊問太平可致乎子曰五帝之典三王之誥兩漢之制
粲然可見矣 朱子曰三代訓誥誓命皆根據學問敷

陳義理 文心雕龍書記篇曰制者裁也上行於下如

匠之制器也 權德輿曰書命者古先哲王所以發德

音而賦百職也 潛確類書告諭令曉曰誥 真德秀

曰制誥皆王言也貴乎典雅溫潤用事不可深僻造議

不可纖新文武宗室各得其宜斯為善矣

制誥二

增文中子曰漢之制志詔冊幾乎典誥 文心雕龍曰
魏晉誥策職在中書劉放張華互管斯任 王安國曰
文帝嘗患文章浮薄使蘇綽為大誥以勸而卒能變一
時士大夫之制作 隋書傳曰李德林字公輔羽檄交
馳絲綸間發文誥之美時無與二 宋史傳曰劉一止
嘗言訓誥者賞善罰惡辭也豈過情溢美怒鄰罵坐之

為 又曰韓駒字子蒼宣和六年遷中書舍人入謝上
曰近年為制誥者所褒必溢美所貶必溢惡豈王言之
體且盤誥具在寧若是乎 唐書傳曰蘇頲加知制誥

時李又對掌書命帝曰前世李嶠蘇味道文擅當時號
蘇李今朕得頲及又又何媿前人哉 又曰于邵知制
誥朝有大典冊必出其手 又曰許景先與齊澣王丘
韓休張九齡更知制誥以雅厚稱 又曰賈曾與蘇晉
同掌制誥皆以詞學見知時人稱為蘇賈 又曰崔元

翰寶參秉政引知制誥其訓詞深厚有典誥風 又曰

高郢恭慎不與人交常掌制誥家無留稿或勸盍如前

人傳制集者荅曰王言不可藏私室 又曰溫彥博善

辭令每聞四方風俗臚布誥命若成誦然 又曰楊炎

與常衮同時知制誥衮長於除書而炎善於德音自開

元後言制誥者稱常楊 又曰封敕時劉稹平李德裕

以定策功進太尉敕草具制曰謀皆予同言不他惑德

裕以能明專任是以成功謂敕曰陸生根文不逮意至

如君此等語豈易得耶解所賜玉帶贈之 又曰王涯
文有雅思永貞元和閒訓誥溫麗多所橐定 又曰穆
宗立多言王仲舒之文可思最宜為誥有古風 五代
史傳曰劉岳建言制詞或任其材能或褒其功行或申
以訓誡而受官者既不給告身皆不知受命之所自請
一切賜之百官有告身自岳始也 又曰崔沔嘗草制
為宰相桑維翰所改沔以唐故事學士草制有所改者
當罷職乃引經據爭之 宋史傳曰李穆開寶六年知

制誥五代以來詞令尚華麗至穆獨用雅正悉矯其弊
又曰晁迥楊億嘗謂其所作書命無過褒得代言之
體 又曰梁周翰乾德中獻擬制二十編擢右拾遺

又曰綦崇禮樓鑰嘗序其文以為氣格渾然天成一旦
當書命之任明白洞達雖武夫遠人曉然知上意所在
又曰王旦知制誥父祐以宿名久掌書命旦不十年
繼其任時論美之 又曰熊克累遷學士院權直上御
選德殿召諭曰卿制詞甚工且有體 又曰樓鑰年過

七十精敏絕人詞頭下立進草院史驚詫 又曰劉一止為文不事纖刻制誥坦明有體書詔一日數十輒辨其草顏魯公孫特命制甚偉帝歎賞為手書之 又曰王巖叟為文語省理該深得制誥體 又曰楊察敏於屬文其為制誥初若不用意及脫橐皆雅緻有體當世稱之 又曰王堯臣以文學進典內外制十餘年其為文詞溫麗 又曰曾鞏會官制行拜中書舍人時自三省百執事選授一新除書日十數人人舉其職典約而

盡 玉海東坡制詞有議論 宋史傳曰鄧潤甫哲宗

立惟潤甫在院一夕草制二十有二 又曰周必大召

試館職高宗讀其策曰掌制手也在翰林幾六年制命

溫雅周盡事情為一時儒臣之冠 又曰汪藻博極羣

書工儷語多著述所為制詞人多傳誦 金史傳曰趙

可入翰林一時詔誥多出其手流輩服其典雅 元史

傳曰王磐世祖即位首拔為翰林學士承旨制誥典章

皆所裁定 又曰李謙與徐世隆孟祺閻復齊名而謙

為首翰林學士王磐以其名聞召為應奉文字一時制
誥多出其手 又曰歐陽玄致和元年日直內廷凡朝
廷雄文大冊播告萬方制誥多出玄手 又曰袁桷在
詞林朝廷制冊勲臣碑銘桷之筆為多 又曰孟祺擢
翰林應奉文字一時典冊多其所製 明紀洪武十六
年與侍臣論歷代創業及國祚脩短侍臣曰漢高不事
詩書陛下留心聖學親灑宸翰制諭萬方卓然與典謨
訓誥相表裏是豈漢高所能及 吾學編傳曰蹇義字

宜之掌內制呈五臣及黃文簡公誥草上特增二語曰

勿謂崇高而難入勿以有所從違而或怠又面諭曰此

朕實心 又曰呂原字逢原秀水人入翰林時選講讀

官裴綸杜寧謝璉王玉江淵陳文李紹商輅劉俊及公

十人習制誥於東閣 又曰曹鼐寧晉人正統十一年

入內閣與政典制文詞宏濶 又曰李東陽字賓之茶

陵人文章流麗代言敷奏明暢爾雅 明紀吳中積宦

至少師工部尚書性貪鄙其妻嚴正一日迎誥其妻拜

訖呼子曰將爾父誥來宣之我聽問左右曰此誥詞是
主上自言耶抑翰林代草耶曰亦翰林代草也歎曰翰
林先生果不虛矣文中何嘗有清廉二字

制誥三

原丹鳳

紫泥

銜五色詔

封詔書

增揚堯言

敷禹命

王珪謝知

制誥啓曰慎漢制之頒期盡追于三代揚
堯言之善使益頌于四方

尚書大禹謨

號蘇賈

稱常楊

俱見上

倣大誥

勝尚書

北史曰自有晉之季文章浮靡周文欲革

其弊因魏帝祭廟羣臣皆至命蘇綽為大誥奏行之
丁謂曰王二元之一日忽謂較元和長慶時名臣所行

相如視

漢書黃霸字次公為潁川守時上垂意于理數下恩澤詔書霸宣布令人人知上意也漢報淮南王書

唐書傳曰顏師古以譴罷溫彥

博為請曰師古練時事長于文誥人少遠者幸得復用
帝曰朕自舉一人公無憂乃以岑文本為侍郎專典機
務顏真卿孫逖集序其除庶子也苑咸草
其制曰西掖掌綸朝推無對議者以為知言
雙日隻

雙日隻

李肇國史補曰凡赦書德音立后建儲
行大誅討冊免三公宰相命將制書並

典雅溫潤

高簡粹純

真德秀語見上

李漢老曰張樂全高簡粹純王禹玉溫潤典裁元厚之精麗穩密蘇東

坡雄深秀偉皆

藻潤王度

增光國體

權德輿崔元翰集序曰藻

制詞之傑然者

潤王度則有詔誥

遼史傳曰李幹兄在汴密遣人召

幹夜遁至涿為徽巡者所得帝欲殺之高勳屢言於上

曰幹富於文學方今少倫若

西掖掌綸

北門持橐

留掌書命可以增光國體

見上朝推無對注 王安國上參政侍

得代言體

郎啟曰北門持橐三朝積潤色之功

有古人風

晁迥見上 宋史傳曰彭汝礪詞命雅正有古人風

允契宸衷 雅

稱上意

王之綱王磐贈官制曰入視草則允契宸衷播芬芳於簡冊 劉三吾宋訥墓志曰嘗同諸儒

應制撰敕文畀僧道錄司領教事者十有六通雅稱上意超授翰林院學士奉議大夫

青編出

白雀 黃紙降蒼龍

令狐楚書見後

炳重離之暉 含雲雨

之潤

文心雕龍曰故授官進賢則義炳重離之暉優文封敕則氣含雲雨之潤詳詔敕一

丹青

生帝典 金玉鏗王度

王禹偁詩云

文章等於訓傳 機

事出於神明

權德輿張建封文集序曰潞帥劉從諫死其子請爵爭地屢聞王廷又轅門叛將橫

水餘兇竊上相之旌旗盜晉陽之筦鑰王赫斯怒公于是有伐上黨之制有平晉陽之敕文章等於訓傳云云

顯王言於典謨 彰帝範於國籍

鄭一亞李德裕會昌一品制序云云

制誥四

原天書

詔書

天語

王命

急宣王命

君命

白帖以上

告四方

易后以施
命告四方

封康叔

尚書武王封
康叔作康誥

下寬大

後漢侯霸
字君房為

尚書令下寬大之詔
四時之令霸所建也

不稽留

漢司隸校尉陽球為太
尉敕尚書令召拜不得

稽留尺
一詔書

增上皇誥

唐書傳曰徐浩肅宗召授中書舍
人四方詔令多出浩手遣詞贍速

而書法至精帝善之又參
太上皇誥冊寵冠一時

穆宗制

又曰崔羣穆宗立
以吏部侍郎召之

勞曰我為太子卿力也羣曰此先帝意臣何力焉且陛下
下向為淮西節度使臣起制草其言有能辨南陽之贖
允符東海之賢先帝
然之則傳付久矣

發號施令

周有不臧

布德和令

禮

必令視草

唐書傳曰張說朝廷大述作多出
其手帝好文詞有所為必令視草

多其

視草

宋史傳曰趙鼎為文渾然天成凡
高宗處分軍國機事多其視草

白氏制樸

玉海

白氏制樸一卷居易叢類制事語以簡撰述之用元稹詩曰白樸流傳用轉新是也

玉堂制草

又隆興元年翰林承旨洪邁撰序云是書自承平有之南渡以後泮散不屬始命綴輯凡將相之除拜后妃之封冊詔書之頒發樂語之奏上

人舉其職

曾鞏見上

人

得所宜

見上文章三

一夕五制

宋史傳曰應繇直學士院帝一夕召繇草麻五制皆

就帝奇其才

一夕四制

又曰倪思光宗即位典冊與尤袤對掌故事行三制並宣學士上欲

試思能否一夕並草除公卿四制訓詞精敏在廷誦歎

雅宜代言

玉海周益公初對玉音云

向在玉邸見卿詞科擬制雅宜代言不旋踵遂兼二字

最善制誥

党懷英見上

元

白未足多

歐陽修謝絳墓誌曰公於制誥尤得體世所謂常楊元白未足多也

誥命亦

不愧

朱子曰南豐擬制有數篇雖雖之三代詰命中亦不愧

非通玄不憚意

唐書

傳曰吳通玄為起居舍人兼知制誥凡帝有誤述非通玄筆未嘗慚

非令狐不切旨

又曰

令狐楚傳學士出為華州刺史他學士

沛然如時雨

比比宣事不切旨帝抵其草思楚之才

穆然如景風

劉禹錫韋處厚文集序曰觀其發德音福生人沛然如時雨褒元老諭功臣穆然如

景風命相之冊和而雅命將之詰嚴而毅云

灑朝廷之利澤增盛德之形

容

揚嗣復權公集序曰九年專掌詔詰大則發德音脩典則灑朝廷之利澤增盛德之形容中則褒才能叙

官業區分流品申明明勸誠無詭詞無巧語誠直溫潤真王者之言

潤色乾坤之容委

輸海岳之廣

曾肇啟曰潤色乾坤之容文雖不逮委輸山海之廣志則有餘

制誥五

增詩唐令狐楚南宮夜直見李給事封題其日所下制
敕知奏直在東省因以詩寄曰青紙出白雀黃紙降蒼
龍北極絲綸句東垣翰墨宗尚垂玄露點猶濕紫泥封
炤眼凝仙燭馳心裊禁鐘

增表宋歐陽修謝知制誥表曰王者尊居萬民之上而
誠意能與下通奄有四海之大而恩澤得以徧及者得
非號令詔誥發揮而已哉然其為言也質而不文則不

足以行遠而昭聖謀麗而不典則不足以示後而為世
法居是職者古難其人

增啓宋王珪謝知制誥啓曰竊思帝廟堂之尊富家國
之盛而能鼓舞天下之動神明天下之幾非典謨文章
號令風采恐未易講寥落之治追醇醲之風蓋在古二
帝之遺書而大訓所基本在天太微之西掖而元命所
淵微有如起兩都之隆致開元之楹其間詔書始下政
事所施固多高文大冊之傳嘉謀讜議之益使王言溫

潤主澤汪洋當時得人後世載美有赫昌令於皇彌文
增狀宋蘇軾司馬溫公行狀曰神宗即位首擢公為翰
林學士公曰臣不能為四六上曰如兩漢制誥可也

明鄭濟華川王公行狀曰公諱禕同知制誥兼國史院
編修官掌制代言凡大詔令多屬焉

增銘明楊士奇胡文公神道碑銘曰公職詞垣十有九
禩司帝之制玉冊金簡天章龍文光華日星敷宣帝仁

章奏一

增尚書曰敷奏以言 又曰爾有嘉謀嘉猷則入告我

后于內

劉熙釋名曰奏鄒也鄒狹小之稱

蔡邕獨

斷曰凡羣臣上書於天子者有四名一曰章二曰奏

又曰章者需頭稱稽首上書謝恩陳事詣闕通者也

又曰奏者亦需頭其京師官但言稽首下言稽首以聞

其中者所請若罪法劾案公府送御史臺公卿校尉送

謁者臺也

金樓子曰上書奏事者為文人也

文心

雕龍宗經篇曰詔策章奏則書發其源 又定勢篇曰

章表奏議則準的乎雅頌 又章表篇曰昔唐虞之世

敷奏以言秦漢之間上書稱奏奏者進也言敷于下情

達于上也 又曰夫奏之為筆固以明允篤誠為本辨

析疏通為首強志足以成務博覽足以窮理酌古命令

治繁總要此其體也 陸機文賦曰奏平徹以閒雅

文選注曰謝恩曰章陳事曰表劾驗政事曰奏 宋祁

治戒曰至于奏議箋記隨宜為之天分自有所稟不可

強也 周必大文鑑序曰奏疏表章取其直諒而忠愛

者 吳訥文章辨體曰按唐虞禹臯陳謨之後至商伊尹周姬公遂有伊訓無逸等篇此文辭告君之始漢高惠時未聞有以書言事者迨孝文開廣言路於是賈山獻至言賈誼上政事疏自是厥後進言者衆或曰上疏或曰上書或曰奏劄或曰奏狀慮有宣洩則囊封以進

章奏二

原伏蒲

削橐

伏青蒲奏事 漢孔光時有所言輒削其橐

字誤

聞墜

漢石建為郎中令奏事下建讀之驚曰馬輿尾五今乃四不足一獲譴死也 墜於上聞

輒削

皆焚

魏志陳羣字長文密陳得失每上封事輒削其草時人及子弟莫能知之 晉羊祜字叔子嘉

謨讜議皆焚其草故

復逆 條對

周禮宰夫掌其禁令叙羣吏之治以

世人多莫能聞之

待諸臣之復萬民之逆注復請也謂於朝廷奏事逆者迎受王命自下而上曰逆謂上書也宰夫主諸臣萬民

之復逆 條對

持被 受錢

後漢馮豹字仲文為尚書郎忠勤不懈每奏事

急變聞急事也

未報嘗俯伏省闕從昏至明肅宗聞而嘉之使黃門持被覆豹敕令勿驚之 漢陳湯字子公常受人金錢作

章奏率

增皂囊 紫微

後漢書傳曰蔡邕上封事錄所施行七事詔問曰宜披露

以此敗

得失具對經術以皂囊封上章奏 王之綱

凝霜

王磐贈官制曰明斥權姦露奏重紫微之柄

生風

文心雕龍奏啟篇曰若乃按劾之奏所以明憲清國必使筆端振風簡上凝霜者也 王氏類苑傳

玄天性峻急每有奏劾或值日暮捧白簡不寐待旦於是賞遊懾伏臺閣生風云

金石丹

青

陸贄翰苑集序曰其闕于時政昭然與金石不朽者惟制誥奏議乎王禹偁懷賢詩曰魏公在諫垣上

疏論得失七事若丹青詞切痛入骨魏公桑維翰也

原削本草

去副封

後漢樊宏

字靡卿所上便宜及陳得失輒手自書寫削本草魏相奏去副封以防壅蔽副封謂副本也以所上事一本

與尚書謂之副封

聞史竊草

使人可奏

漢師丹字仲公議改帶丹使史書奏

吏私竊其草丁傳聞之告丹上封事行道持其書遂策免丹漢汲黯字長孺奏事上時在武帳不冠見黯起

避使人可其奏具見敬憚也如此

賈誼露草

陳咸定奏

露草疏舉丞相元

成言朱雲暴虐雲上書自訟陳咸為定奏章

增盛以錦囊

置於香几

五代

史周世宗紀曰其伐南唐問宰相李穀以計策從克淮南出穀疏使學士陶穀為贊而盛以錦囊嘗置之坐側

玉海孝宗於羣臣章奏取其所當行者疏之小冊以示大臣或御便坐則置於香几羣臣皆得就觀

竄定數言

親書十事

唐書傳曰劉仁軌武德初河南安撫大使任瓌上疏有所論奏

仁軌見其橐為竄定數言瓌驚異之玉海曰寧宗龍潛時親書呂公著十事

章表殊健

表奏太浮

外若坦蕩中甚畏慎唐書傳曰高鉅文宗令狐楚薦齊孝若書曰詞賦甚精章表殊健

語侍臣曰諸鎮表奏太浮華宜責掌書以戒流宕李石曰古人因事為文今人以文害事懲樊抑未誠如聖訓

即以錯為禮部侍郎

開徹清密

春容暢達

又曰蘇味道裴居道為左金吾衛將

軍情味道作章攬筆而成開徹清密當時盛傳吾學編傳曰倪岳字舜咨錢塘人為文敏捷若不經意又長

於奏議一寫千言 容暢
達考古道 今會文切理

二百餘奏 三十六體

又曰

魏徵拜諫議大夫 凡二百餘奏 無不剴切當帝心 又
曰李商隱初爲文 瑰邁奇古 及在令狐楚府 楚本工章
奏 因授其學 商隱儼偶長短而繁縟過之時
溫庭筠既成式 俱用是相誇號 三十六體 親知莫

知所言

子姪罕窺其草

唐書傳曰裴遵慶諫而見從
即內益畏 雖親知但記其削

橐 疏數而莫知所言 程伯淳行狀曰所工章疏予
姪不得窺其草 事出必論列數月之間 章數十上

馬周不取身後名

田錫不賣謗時直

唐書傳曰馬周
疾甚取所上章

奏悉焚之 曰管晏彭君之過 取身後名 吾不爲也 宋
史傳曰田錫嘗曰吾立朝以來 章疏五十有三 皆諫臣
任職之常言 豈可藏副示
後 謗時賣直 耶命悉焚之

章奏三

原子雲筆有餘力

論衡云谷子雲張子高章奏百上筆有餘力

孔璋微為

煩富

魏文帝與吳質書云孔璋章表殊健微為煩富

公車受章帝聞而怪

潛夫

論云公車反支日不受章奏帝聞而怪之曰廢農桑遠詣闕而復拘以禁忌豈為此之意乎于是遂蠲例

主簿告怨帝乃大怒

謝承後漢書云寧陽主簿訴其縣令七歲不省主簿乃上書曰臣謂

陛下為臣父章百上終不見省豈可北詣單于以告怨乎帝乃大怒

懷刀截草

吳志太史慈字

子義為郡奏曹史會郡與州有隙曲直未分以先聞者為善時州章已去郡守恐後之選慈以行慈晨夜取道到洛陽詣公車門見州史始欲求通慈問曰君欲通章耶吏曰然問章安在曰車上慈曰章題署得無誤耶取

來視之吏殊不知其為郡使也因為取章慈已先懷刀
便截敗之因與吏共亡去後有司以格章之故不復見
理州受

置章御坐

後漢周舉為平丘令上書言當世得失辭甚切正尚書郭虔應賀等

其短

見之歎息共上疏稱舉忠直欲帝置
章御坐以為規誠

以上北堂書鈔

不及奏

蕭何守關中事

有不及奏即以
便宜施行之

先露章

漢何武字君公遷揚州刺史所舉奏千石必先露章服罪

者為虧除免之其有
不伏者方極法奏之

義真毀草

後漢皇甫嵩字義真前後上表陳諫有損

益者五百餘事皆手
書毀草不宣于外也

文若焚草

魏志荀彧字文若以書陳事臨薨焚其草

故奇策密謀
不得盡聞也

上忘倦

馬援善談說每奏事上聽之而忘倦也

帝與戲

都說對晉武帝曰臣舉賢良對策第一猶桂林
一枝昆山片玉侍中奏免說官帝曰吾與戲耳

請自

奏事

漢京房出為魏郡太守奏請無屬刺史得自乘傳奏事上初許之房論石顯五鹿充宗而上封事曰

辛巳蒙氣復乘太陽侵色已卯庚辰

間必有隔絕臣不能乘傳奏事也

議所奏事

趙充國字

翁孫每奏事上輒下其奏議臣初是充國計者什二中什五最後十八

上言 上陳

草章

草奏 白奏

程奏

巧為奏

以工白帖

增高儉

焚草

唐書傳曰高儉敏於占對奏議未嘗不焚草家人無見者

戴胄削橐

又曰戴胄所數

內緣政得失咸有可觀奏已即削橐外莫知

置於禁中

玉海至和二年八月知諫院范鎮言

先朝以御寶印紙給言事官使以時奏上以知得失而殿最之請據今御史諫官見員置置章奏簿于禁中時觀

省之 置之枕席

蘇軾富鄭公神道碑曰公又上疏願益畏天戒遠奸佞近忠良上親書詔荅曰

義忠言諫理正文直苟非義在愛君志存王室
何以臻此敢不置之枕席銘之肺腑終老是戒

鬚髮

為白

范蜀公墓志銘曰仁宗即位三十五年未有
繼嗣凡章十九上待罪百餘日鬚髮為白

毛

髮森豎

周忱書鄒浩傳後曰予奉詔纂集歷代名臣奏
議得宋右正言諫立劉后疏反覆幾二千言讀

之使人毛

皆班彪所為

後漢書傳曰竇融自河西召
還京師光武問所上章奏誰

髮森豎

與參之曰皆從

皆嘉貞所為

王氏類苑張嘉貞補平
鄉尉坐事免長安中御

事班彪所為

史張循憲使河東事有未浚循憲病之問吏曰此頗有
嘉客乎吏以嘉貞對試命草奏皆意所未及他日武后

以為能循憲對曰皆嘉

剴切數百奏

李樂劉秉忠贈
謚制曰剴切數

貞所為因請以官讓

百奏各
中其理

剴切三千牘

張以寧送館朝憲使之淮西詩
曰剴切三千牘飛揚四十春

學力盡在是矣

蘇軾司馬溫公行狀曰公上疏論修身之要三曰仁曰明曰武治國之要

三曰官人曰信賞曰必罰其說甚簡且曰臣昔為諫官即以此六言獻仁宗其後以獻英宗今以獻陛下平生學力所得盡在是

治道盡在此矣

玉海淳熙十三年正月詔趙汝愚進所纂集國朝名

臣奏議君道至邊防終之以總議凡一百五十卷目錄五卷孝宗諭宰相周必大等曰治道盡在此矣

數條漢興以來便宜

前漢書傳曰魏相好觀漢故事及便宜章奏以為古今異制方今務

在奉行故事而已數條漢興以來國家便宜行事及賢臣賈誼晁錯董仲舒等所言奏請施行

封上

建武以來章奏

後漢書傳曰肅宗建初八年正月詔東平中傅封蒼自建武以來章奏並集覽

馬

覽太原奏辨楚所為

唐書傳曰令狐楚字說嚴綬繼領太原高其行引在幕府

德宗善文每省太原奏必能辨楚所為

覽淮南奏知昉所作

宋史傳曰李昉周顯

德二年宰相李穀征淮南昉為記室世宗每覽軍中章奏愛其詞理明白知為昉所作師還擢為主客員外郎

覽章因訪其後

又曰王禹偁字元之真宗嘗覽禹偁章奏盡美切直因訪其後宰相以嘉

言對即召對擢大理評事

覽奏歎不同時

楊士奇滁州重建醉翁亭記曰仁宗在東宮覽

公奏議愛重不已有生不同時之歎

仁人用心如此

程顥答示草奏書曰辱示奏橐足以

見仁人君子之用心深切如此

忠厚為國如此

明紀弘治十七年帝云昨見成化間彭時

姚夔輩奏章先朝大臣其忠厚為國如此

馬伸削橐

宋史傳曰馬伸凡有建明輒削其橐人罕

知之韓琦存橐

王氏類苑韓琦為諫官三年所存諫橐欲斂而焚之以效古人謹密之義然恐

無以見人主從諫之美乃
集七十餘章曰諫垣存橐

口占指授悉中機宜

吾學編傳

曰楊一清字應寧學博才雄善調停應變濟務尤曉
暢邊事羽檄旁午一夕千疏口占指授悉中機宜

口占授史曲當事情

又曰王越字世昌濬縣人以邊功
封威寧伯長於史事判案章奏口

占授史曲

賈誼之務農晁錯之兵事

文心雕龍奏啟
篇曰自漢以來

當事情

奏事或稱上疏儒雅繼踵殊采可觀若夫賈誼之
治農晁錯之兵事匡衡之定郊王吉之觀禮云云

楊

秉耿介於災異陳蕃憤懣於尺一

又曰後漢羣賢嘉言
周伏楊秉耿介於災

異陳蕃憤懣於尺一骨鯁得焉張衡指
摘於史職蔡邕銓列於朝儀博雅明焉

表一

增劉熙釋名曰下上言曰表思之於內表施於外也
蔡邕獨斷曰凡羣臣上書於天子者有四名三曰表

又曰表者不需頭上言臣某言下言臣某誠惶誠恐頓
首又死罪左方下附曰某官某甲文多用編兩行文少
以五行詣尚書通者也公卿校尉諸將以下不言姓大
夫以下有同姓官別者言姓 又曰章表皆聯封其言
密事得皂囊盛 文選注曰表者明也標也如物之標
表言標著事序使之明白以曉主上得盡其忠三代已

前謂之敷奏故尚書云敷奏以言是也至秦并天下改
為表 文心雕龍定勢篇曰章表奏議則準的乎雅頌

潛確類書思內表外曰表 明紀洪武六年命儒臣

擇唐宋名儒表箋可為法者以韓愈賀雨表柳宗元代
柳公綽謝表進命中書省學作二表頒為天下式諭羣
臣曰唐虞三代典謨訓誥之書切實不華誠可為千萬
世法漢魏之間猶為近古晉宋間文體日衰駢麗綺美
而古法蕩然矣唐宋名儒雖欲變之而未能近時詔誥

章表之類仍蹈舊習朕嘗厭其雕琢殊異古體且使事實為浮詞所掩自今凡表箋奏疏毋用四六悉從典雅文章辨體曰漢晉皆用散文蓋用陳達情事若孔明前後出師李令伯陳情之類是也唐宋以後多用四六其用則有慶賀有辭免有陳謝有進書有貢物所用既殊則具體亦各異焉 又曰表文以簡潔精緻為先

表二

原孔璋殊健

詳章奏

阮瑤之俊

典論云陳琳阮瑤之章奏書記今之俊也

樂假潘筆潘取樂旨

又曰樂廣遷侍中河南尹廣善清言而不長於筆將讓尹請潘岳為

表岳曰當得君意廣乃作二百句語述已之意岳因取次比便成名筆時人咸云若樂不假潘之筆潘不假樂之旨無以成斯美也

五字悅服

世語曰司馬景王命中書令虞松作表再呈輒不可意命松更

定經時松思竭不能改心存之形於顏色鍾會察其所憂問松松以實荅會取視為定五字松悅服以呈景王

王曰不

當爾耶

操筆便成

後魏董紹傳云孝武崩周文與百官上表前後再奏帝尚執謙沖不

許周文曰為文能動至尊惟董公耳乃命紹為第三表紹操筆便成表奏文帝乃允

口占上表

高堂隆集云隆寢疾馬口占上疏曰紂縣白旗桀放鳴條天子之尊湯武有之豈伊異人皆明王之冑也臣觀黃初之際天兆其成異類之鳥育長燕巢口爪習赤此魏室之大異也宜防鷹揚之臣於蕭牆之內可選諸王

使君國典兵往往墓踣鎮撫皇畿翼亮帝室昔周之東
遷晉鄭是依諸呂之亂寔賴朱虛斯蓋前代之明監也

手書謝表

東觀漢記曰和熹鄧后遜位手書謝表深陳德薄不足以奉宗廟充小君之位也

以上北堂書鈔

增天英筆

金史傳曰李經字天英兩舉不第拂衣去南渡後其鄉師有表至朝

廷士大夫識之曰此天英筆也

孝儒筆

吾學編傳曰董倫字安常恩縣人建文君即位召拜禮部

侍郎賜御書怡老堂扁及髹几玉鳩杖各一倫上表謝略曰桓榮設几杖於太常不聞宸翰之賜晏殊題舊學於神道未見几杖之頒自今將杖以戒噎則思四方或有饑饉之民憑几以安身則思一物容有失所之歎或曰此孝

戒浮華

見表二表秦大浮注

歎切直

王安石讀江南錄曰兒時聞金

瑞筆也

陵臣潘佑以直言見殺及得佑所上諫李氏表讀之詞意切直忠臣之言

手不輟筆

見上文章

四露布手
不暫停注

操筆立成

南史傳曰劉之遴字思貞時張
援新除尚書託任昉為讓表昉

今之遼代作援筆立成昉曰荆南秀
氣果有異才後名位必當過我也

三軍感泣

見敏
速白

刃之
中注

丞相驚服

宋史傳曰王應麟度宗即位授禮部
郎官草百官表舊制請聽政四表以

上宰相諭旨增撰三表應麟操筆立就丞相總護還
辭位三道使者立以俟應麟從容授之丞相驚服

不可多得

又曰和嶠時摹印儒行篇以賜新及第人及
三館臺省官皆上表稱謝上時御使坐出表

以示宰相而嶠與張洎尤稱上旨因謂李昉曰宰相子
勤學自立有文章能荷堂構如嶠者不可多得也遂以

本官知

所未嘗見

金史傳曰完顏昺大定二十年詔
曰太師昉諫表詩文甚有典則朕

制誥

即位以來所未嘗見
其諫表可入實錄

義士多之

唐書傳曰李翰張巡
死睢陽人媚其功以

為降賊肅宗未及知翰傳巡功狀表上之
帝由是感悟而巡節大白於世義士多之

天下壯之

蘇軾蜀公墓志銘曰公忤安石落翰林學士以本官致仕上謝表其略曰望陛下以羣議為耳目以除壅蔽之姦任老成為腹心以養和平之福天下壯之

柳慶白鹿表

三國典略曰柳慶領記室北雍

州獻白鹿都臣欲草表陳賀尚書蘇綽謂慶曰近代以來文章美靡逮於江左彌復輕薄洛陽後進相述不已相公柄民物君職典文房宜製此表以革其弊慶操筆立成詞兼文質綽讀而笑曰枳橘猶尚可移況才子耶

徐渭白鹿表

明詩紀事徐渭字文長山陰人為少保胡宗憲笥書記海上獲白鹿二少保屬

令文長為表并他幕客所撰郵致所善某學士以文長表進世宗覽之大悅益寵異少保少保亦以是重文長

以華艷治罪

隋書傳曰李諤以屬文之家體尚輕薄於是上書曰開皇四年普詔天下公私

文翰並宜實錄其年九月泗州刺史司馬幼之文表華
艷付所司治罪自是公卿大臣莫不錯仰墳索棄絕華

綺

厭纖巧頌式

吾學編太祖厭表箋多諛詞纖巧
命右贊善王俊華撰定頌天下

前後三百餘事

合辭事類後漢皇甫嵩字義貞前後上
表陳論有損益者三百餘事皆手書不

宣於外也

同日二十餘人

王氏類苑盧詢祖同日為
二十餘人作表文不加點

孔

珪以示謝朓

南史傳曰謝朓好獎人才會稽孔顗粗有
文章未為時人所知孔珪嘗令草讓表以

示朓嗟吟良久手自折簡寫之謂
珪曰士子聲名未立應共獎成

楊遵彥以示陸印

見文

清臣豫構遺表

唐書傳曰顏真卿字清臣周曾
康秀才等謀襲希烈奉真卿為

帥事洩曾死乃拘送真卿蔡州真
卿度必死乃作遺表墓志祭文

文正不求恩澤

歐陽

脩王文正公神道碑
曰遺表不求恩澤

不畏三思草表

唐書傳曰岑義中宗時武三思

用事敬暉欲上表削諸武封王者衆畏
三思不敢為草獨義為之詞義勁切

不為龐勛草

表

又曰溫庭皓署徐州觀察使崔彥曾幕府龐勛反以
刃脅庭皓使為表求節度使皓給曰表聞天子當為

公信宿思之勛喜歸與妻子浚明日復見勛索表答曰
吾豈以筆硯事汝耶其速殺我勛笑然視曰儒生有膽
耶吾動衆百萬無一操
世祖覽而奇之
陳書傳曰徐

伯陽字隱忍

天嘉二年甘露降樂遊苑詔賜宴安
都令伯陽為謝表世祖覽而奇之

太祖覽而異之

吾學編傳曰陳迪字景道宣城人洪武八年薦辟
為郡學訓導嘗為郡草萬壽表太祖覽而異之

公

卿表疏多句於億

宋史傳曰楊億年十一召試授秘書
省正字公卿表疏多句文於億名稱

益著 兩府牋奏多命草之

又曰崔遵度為壽春郡王友真宗車駕朝陵掌留司名表

時稱為工自是兩府牋奏多命草之

凡十八表皆孟陽為文

又曰周孟陽為潭王

宮教授諸王府記室英宗居環列以其賢厚禮重之會除知宗正寺力辭凡上十八表皆孟陽為文

表

凡十上皆子安起草

明詩紀事皇甫湜字子安在儀制時貴溪及宗伯請建儲表凡十上

皆子安起草貴溪由是當世宗意得起拜

既其身文 亦且國華

文心雕龍曰原

夫章表之為用所以對揚王廷昭明心曲既其身文亦且國華

可謂成文

可謂德

音

翰林論曰表宜以遠大為本不以華藻為先若曹子建之表可謂成文矣諸葛亮之表劉主裴公之辭侍

中羊公之讓開府可謂德音矣

書記一

原周易曰書不盡言言不盡意 廣雅曰書記曰書

增劉熙釋名曰書庶也紀庶物也亦言著之簡紙示不滅也 又曰記紀也紀識之也 蔡邕獨斷曰相見無

期惟是書疏可以當面 揚子法言曰彌綸天下之事

記久明遠著古昔之昏昏傳千里之恣恣者莫如書故

言心聲也書心畫也 文心雕龍書記篇曰書者舒也

舒布其言陳之簡牘取象於夬貴在明浚而已三代政

暇文翰頗疏春秋聘繁書介彌盛 又曰觀史遷之報

任安東方朔之難公孫揚惲之酬會宗子雲之荅劉歆

志氣盤桓各含殊采並杼軸乎尺素抑揚乎寸心 又

曰詳總書體本在盡言言以散鬱陶託風采故宜條暢

以任氣優柔以憚懷文明從容亦心聲之獻酬也 顏

氏家訓雜藝篇曰江南諺云尺牘書疏千里面目 李

克起居誡曰牀頭書疏亦不足視或是他私密事縱能

不宣誰與明之若有泄露則傷之者至矣 潛確類書

序曰言如意曰書 又曰言志曰記 文章辨體曰按

昔臣僚敷奏朋舊往復總名曰書近世臣僚上言名為
表奏惟朋舊之間則曰書而已蓋論議知識人豈能同
苟不具之于書則安能盡其委曲之意哉戰國兩漢間
若樂生若司馬子長若劉歆諸書敷陳明白辨難懇到
可以為修詞之助至于唐之韓柳宋之程朱張呂凡其
所與知舊門人答問之言率多乎進修之實又豈止于
文辭而已

書記二

原漢書曰蘇武使匈奴被留昭帝即位求武等匈奴言武已死後漢使至匈奴教使者謂單于言天子射上林中雁足有繫帛書言武等在某澤中單于顧左右而驚謝又曰陳遵為河南太守既至官遣從史乃召善吏十人於前治私書謝京師故人遵憑几口授書吏且省官事數百封親疎各有意又曰谷永字子雲便於筆札故時人云谷子雲之筆札樓君卿之脣舌吳錄曰

王弘為冀州刺史不發私書不交豪族號曰王獨坐

蜀志曰王平字子均巴西宕渠人生長戎旅手不能書
所識不過十字而占授作書皆有意使人讀史漢諸書
聽之通知其義往往論說不失其旨 魯國先賢傳曰
孔翊為洛陽令置器水於前庭得私書皆投其中一無
所發彈治貴戚無所迴避 典略曰太祖嘗使阮瑀作
書與翰遂於馬上具草書呈之太祖覽畢欲有所定而
竟不能增損 張華別傳曰大駕西征鍾會至長安華

兼中書侍郎從行掌軍事中書疏表檄文帝善之語

林曰殷羨字洪喬作豫章郡臨去人寄百餘函書既至石頭悉擲水中因祝之曰沈者自沈浮者自浮殷洪喬不能作達書郵嵇康與山濤書曰素不使書不喜作書而人間多事堆案盈几不相酬答則犯教傷義欲自勉強則不能久堪沈約宋書曰劉穆之朱齡石並使尺牘嘗於高祖坐與齡石共答書自旦至日中穆之得百函齡石得八十函而穆之應對無廢增山堂肆考

曰張九齡養羣鴿每與親知書繫於鴿上飛往投之目

為飛奴 范傳正李白墓碑曰天寶初召見於金鑾殿

草荅蕃書辨如懸河筆不停綴 又劉晏任權潘炎乃

其壻雖書疏往來未嘗輒開時稱有古人之節 五代

史傳曰李襲吉為晉王書諭梁太祖太祖使人讀之至

於毒手尊拳交相於暮夜金戈鐵馬蹂踐於明時歎曰

李公僻處一隅有士如此使我得之附虎以翼也顧其

從事敬翔曰善為我荅之及翔所荅書詞不工而襲吉

之書多傳於世 宋史傳曰錢昱善筆札工尺牘太祖
嘗取觀賞之賜以金花扇及急就章 又曰李之儀能
為文尤工筆札尺牘謂刀筆三昧 元史傳曰郝經拘
宋十六年及還之歲汴中民射雁金明池得繫帛書詩
云寥落風高恣所如歸期回首是春初上林天子援弓
繳窮海累臣有帛書後題至元五年九月一日國信大
使郝經書於真州忠勇軍營新館

書記三

原辟藏

篋封

上詳下四 吳志曹公聞太史慈名遺慈書篋封之發省無所道但貯當歸

增手筆

心聲

後漢書傳曰趙壹字元放報皇甫規書曰仁君忽一匹夫於德何損而遠

辱手筆追路相尋誠足愧也 下見上

壁掛書

犬達信

陳泰為并州京邑貴人寄

寶貝因泰市奴婢泰皆掛之于壁不發其封 陸機在京久無吳中家信犬名黃耳機笑語曰能為我取家信

乎犬搖尾而去卒達家信

載青泥

吐墨書

東漢記曰鄧訓故吏知訓好青泥封書從

黎陽步推鹿車載青泥至上谷遺訓 神仙傳曰葛玄見買魚者在水邊玄謂魚主曰欲煩此魚至河伯處可

乎曰魚已死矣玄曰無害也乃以丹書紙置魚腹擲魚水中俄頃魚還躍岸上吐墨書青色如大葉而飛去

青鳥銜

紫燕寄

李白以詩代書答元丹丘曰青鳥海上來今朝發何處口銜雲錦書

與我忽飛去

顧況悲

表心素

寫中襟

張謂寄遠詩曰空流

歌曰紫燕西來

欲寄書

錦字表心素至今絨愁不忍窺

劉禹錫和

武中丞寄懷詩曰雲衢念前侶彩翰寫中襟

鯉魚腹

中鴻雁足下

古詩客從遠方來遺我雙鯉魚呼兒烹

何如上言加餐飯下言長相思

尺牘偏才

刀筆三

蘇武裂帛為書繫雁足下

昧文心雕龍書記篇曰至於陳遵占辭百對各意禍

衡代書親疎得宜斯又尺牘之偏才也下見上

計吏脩敬

功曹却書

蜀郡太守因計吏脩敬於曹騰益州刺史种嵩於函谷搜得箋

奏騰中臣外交請免官治罪帝曰箋自外來騰書不出

非其罪也袁安初為縣功曹奉檄詣從事因安致書

於令安曰公事有郵驛私請即非功

曹所持辭不肯受從事矍然而止

下筆稱旨

觀

牘被賜

陳書傳曰趙知禮涉獵文史善書翰武帝之討元景仲也或薦之引為記室知禮文瞻速每名

製書下筆便就率皆稱

旨下見上書記二

不展家書

悉焚私牘

山堂肆考

胡安定公瑗布衣時與孫明復石守道讀書泰山茹苦食淡終夜不寢十年不歸得家問見上有平安二字即投之澗中不復展讀又厚德錄曰方諫議謹言為侍御史時丁謂被貶遣謹言藉其家得士大夫干請闕通者悉焚之不以聞世稱其長者

無日月不觀

遇名諱須避

山堂肆考張文

潛每見親友書無日月使擲於地更不復觀又呂公希哲嘗言凡與交遊書聞其祖父知名於世者須避其名諱文潞公與故舊款接一座未嘗犯其父祖名諱

希閔擅西洛之牋

陳孚

振安南之筆

宋史傳曰楊希閔善絨尺趙普守西洛府中牋疏皆希閔所為元史傳曰世祖命

梁曾再使安南陳孚為副比至詰日燭以不庭之罪往復三書宣天子威德詞直氣壯皆字筆也

書記四

原應璩善書記

文章敘錄曰應璩博學好屬文善為書記又吳質別傳云質有才學善為書記

葛龔善文記

後漢書葛龔傳云和帝時龔以善文記知名著文賦碑誄書記凡十二篇

簡書如雨

王傑集阮瑜誄云既登宰輔充我秘府允可文章爰及軍旅庶績惟殷簡書如雨強力敏

成事至則舉

紙落如雲

潘岳楊荊州誄云多才豐藝強記洽聞草隸兼善尺牘必珍足不輟

行手不釋文翰動若飛紙落如雲

粲然耀眼

陸景書曰獲荅彪蔚德音孔昭披紙尋句粲然

耀眼 翕然愈疾

見下

過百萬之衆

抱樸子云昔魯連以書下聊城是分

毫之力過百萬之衆也

勝十萬之衆

晉書云荀勗與裴秀羊祜共管機密時將發使聘吳

並遣當時文士作書與孫皓帝用勗所作皓既報命和親帝謂勗曰君前作書使吳思順勝十萬之衆也

書喻皆感悅

又曰劉弘為荊州鎮沔漢每有興發手書相喻丁寧歎密所以人皆感悅有事人爭

赴之咸曰得劉公一紙書賢於十部從事

與書皆不發

先賢行狀云杜安字伯夷年十歲名

稱鄉黨十五入太學號奇童賈戚慕安高行多有與書皆不發以慮後患常鑿壁安書後收捕賈戚安開壁出其書示之不惟其愚

射書燕將自殺

魯連子云燕將攻下聊城聊城人或讒之燕燕將懼

誅因保守聊城不敢歸齊田單攻聊城歲餘士卒多死而聊城不下魯連乃為書約之矢以射城中遺燕將燕將見魯連書泣

誤書燕國大治

韓子云郢人有遺燕相國書者夜書火不

明因謂持燭者曰舉燭云而過書舉燭舉燭非書意也
燕相受書而悅之曰舉燭者尚明也尚明也者舉賢而
任之燕相白王
大悅國以治
含欣而秉筆大笑而吐辭陳思王與丁敬禮書

寫情於萬里精思於一隅

傅咸紙賦詳紙以上北堂書鈔

八行之

書

馬融書曰書雖兩紙八行云云

三歲之字

古詩客從遠方來遺我一書札置之懷袖中三

歲字
不減

寓子西

子產寓書于子西使告范宣子

貽子產

鄭鑄刑書叔向貽書子產

空函大怒

桓溫將以殷浩為尚書令遺書告之浩欣然答書慮有謬誤開閉者數十竟達空函

溫大
怒之

點竄愈疑

曹公與韓遂書多為點竄如遂改定之者馬超愈疑

通草書

魏文帝命劉廙通草書廙答曰初以尊卑有踰禮之分是以守區區之節不敢修草書

奉咫尺

廣武君謂韓信曰君若使一个奉咫尺之書注簡牘或長咫尺者也

心存尺書

劉琨上書曰南

北迴邀同契一

手荅書疏

陶侃為荊州閫外多事千端萬緒固有遺漏遠近書

疏莫不手荅筆翰如流未嘗留滯

公車待詔

公車今屬衛尉上書者所詣

不封

遺書

秦二世使遺趙王書不封欲使君臣相疑

不發私書

郅都公廩

使執訊

而與

鄭子家使執訊而與之書告趙宣子注執訊通訊問之官

叔夜懶而不作

洪喬傳而是棄

李陵之荅蘇武用嗣德音

嵇康之

達山濤以絕交道

以上白帖

增丈尺書

說苑正諫篇曰張祿曰夫秦者四塞

國也遊宦者不得入焉願君為丈尺之書寄語我秦王我往而過焉固君之入也孟嘗君為書寄秦王往而大

過

小紙書

晉書傳曰何曾為三公有以小紙為書者敕記室勿報

鵠繫書

前見

豫章書

李白詩曰南來不得豫章書

長葛書

杜甫詩曰長葛書難得

妻

不寄書

山堂肆考王良為司空司直妻子俱不入官舍司徒史鮑恢到東海過候良家妻布裙曳柴從

田中歸恢曰我司徒人也故來受書曰妾是也苦掾無書恢歎息而去

壻不開書

見上

試自為文

蜀志曰先主辟馬良為掾後遣使吳良請亮曰今銜國命協穆二家幸為良介於孫將軍

亮曰君試自為文良即為草曰寡君遣掾馬良通聘繼好以紹昆吾豕韋之勲其人吉士荆楚之令鮮於造次

之華而有克終之美願降心存約以慰將命權大待之

各以意作

後周書傳曰柳慶侍父僧

習為穎川郡地接畿都將選官多求請託僧習謂子曰權貴請託吾並不用其使欲還皆須有答汝等各以意

為吾作書慶為草云下官受委大邦選吏之日有能者
進不肖者退此乃朝廷恒典僧習讀書歎曰此兒大有
意氣丈夫理當如是
即依慶所草以報

再拜受書

孔叢子雜訓篇曰子思在魯使以書如衛

問子北上北面再拜受書伏讀然後與使者宴遂為復書
返中庭北面再拜以授使者既受書然後退使者還魯
問子思曰吾子堂上南面立授臣書事畢送臣子中
庭拜受臣書而不送何也子思曰拜而不送敬也使而
送之賓也

箕踞發書

皇甫謐高士傳曰光武徵嚴光至司徒侯霸使西曹屬侯子道奉書光不

起於床上箕踞發書讀訖問子道曰君房素痴今為三公寧小差否子道曰位已鼎足不痴也光曰遣所來何
言子道曰公聞先生至欲即詣迫於典司願因日暮自
屈語言光曰卿言不痴是非痴語天子徵我三乃來人
主尚不得見當見人臣乎子道求報光曰吾手不能
書乃口授之使者嫌少光曰買菜乎求益也

音

辭流暢

宋書傳曰徐湛之善於尺牘音辭流暢

辭義高遠

韓愈荅山人書曰足下猶

復以為可教貶損道德乃至手筆簡之辭義高遠足下於故舊之道得矣

荅絕交書

南齊書傳

曰周顒字彥倫素善尺牘沈攸之送絕交書太祖口授令顒裁荅

草荅蕃書

見

得

書稱善

唐書魏徵傳曰武陽丞元寶藏舉兵應李密得寶藏書輒稱善既聞徵所為因促召之

啟書歎息

撫言曰唐大順中顧雲同羊昭業等脩史時劉子長僕射有清名昭業求高逢休諫議為

先容謁之雲潛啟之閱一幅但云昭業等擬將一尺三寸汗脚踏龍尾道並無一語及雲雲歎息而已

不數附書

李翱荅獨孤舍人書曰所不數附書者因性頗慵懶便一切畫斷祇作報書

不

即荅書

容齊隨筆曰士大夫得友朋書問有懶傲不肯即荅者嘗記白樂天有老慵一絕句云豈是交

親向我疎老慵自愛閉門居近來
漸喜知聞斷絕惱嵇康索報書

飛鳧寄書

唐陸龜蒙東飛

鳧詩曰裁得尺錦
書欲寄東飛鳧

鸚鵡報書

賈至度隴有思家詩曰隴山鸚鵡能言語為報

家人數

報李密書

唐書傳曰李密自謂主盟遣將軍張仁則致書於帝呼為兄請以步

寄書

騎會河內帝覽書而笑曰密陸梁不可折簡致之吾方
定京師卒未能東略吾寧推順使驕其志令記室溫大

雅作報書厚禮

披贈錦之英華

劉苒回潁州曹學士啓有曰遠將款欽俄

尊讓密大喜

辱誨函披贈錦之英華徒知誘
進示吳牀之謙旨殊匪為他

聞心聲之清切

黃福奉陳

貳卿書曰潘續云曾有幕府之驚絨已奠神投之魚腹
竟不知二楮先生所載云何既不得瞻手澤之光華又

不得聞心
聲之清切

飛書走檄用枚臯

見上文章三

飛書走檄徵

陳琳

崔祐甫穆氏四子講義記曰刻石銘座者取崔蔡論都及政者宗班固飛書走檄者徵陳琳

筆不停綴文無所改

南史傳曰蔡景歷對使答書文無所改詳敏速

下筆輒

成未嘗定稿

梁書傳曰范雲善屬文使尺牘下筆輒成未嘗定稿時人至疑其宿構

飛

書之急馬上立成

席豫見敏速

書檄露布馬上占辭

薛收見敏

速

日得百函應對無廢

見上

日百餘牒皆合事宜

山

肆考後周中書監盧柔太祖嘗引為行臺郎對掌機密時汝潁之間多舉義來附書翰往來日嘗有數百牋柔則隨機裁答皆合事宜

書記五

原書漢鄒陽上書梁王曰昔者荆軻慕燕丹之義白虹貫日太子畏之衛先生為秦畫長平之事太白食昴昭王疑之夫精誠變天地而信不諭兩主豈不哀哉昔王人獻寶楚人誅之李斯竭忠胡亥極刑是以箕子佯狂接輿避世語曰白頭如新傾蓋如故故蘇秦相燕人惡之於燕王燕王按劍而怒食以駃騠白圭顯於中山人惡之於魏文侯文侯投以夜光之璧女無美惡入宮見妬士無賢不肖入朝見嫉故百里奚乞食於道穆公委

之以政甯戚飯牛車下桓公任之以國此二人者豈素
官於朝借譽左右然後二主用之哉昔魯聽季孫之說
逐孔子宋信子冉之計囚墨翟夫以孔墨之辨不能自
免於讒諛而二國以危何則衆口鑠金積毀銷骨也今
人主誠能去驕傲之心懷可報之意則桀之犬可使吠
堯跖之客可使刺由況因萬乘之權假聖王之資乎臣
聞明月之珠夜光之璧以闇投人於道衆莫不按劍相
盼者何則無因而至前也蟠木根抵輪囷離奇而為萬

乘器者以左右先為之容也 後漢班固上書東平王

曰必有非常之人然後有非常之事有非常之事然後
有非常之功將軍膺千年之任躡先王之蹤體弘懿之
資據高明之勢昔卞和獻寶以罹折趾屈子納忠終於
沈身已而和氏之璧千載垂光屈子之篇萬世彌章

齊陸厥與沈約書問聲韻曰長門上林殆非一家之賦
洛神池雁便成二體之作孟堅精整咏史無虧於東主
平子恢富羽獵不累於憑虛王粲初征他文未能稱是

楊脩敏捷暑賦彌日不獻率意寡尤則事促乎一日翳
翳沈伏而理賒於七步一人之思遲速天懸一家之文
工拙壤隔何獨宮商律呂必責其一人也 梁簡文帝

荅張纘謝示集曰網好文章於今二十五載矣竊嘗論
之日月參辰火龍黼黻尚且著於元象章乎人事而況
文辭可止詠歌可輟乎不為壯夫揚雄寔小言破道非
謂君子曹植亦小辯破言論之科刑罪在不赦至如春
庭落景轉蕙承風秋雨宜晴檐梧初下浮雲生野明月

入樓時命親賓乍動嚴駕琤璫屢酌鸚鵡驟傾伊昔三
邊久留四載胡霧連天征旗拂日時聞塢笛遙聽塞笳
或鄉思悽然或雄心憤薄是以沈吟短翰補綴庸音寓
目寫心因事而作 又荅新渝侯和詩書曰垂示三首
風雲吐於行間珠玉生於字裏跨躡曹左舍超潘陸雙
鬢向光風流已絕九梁插花步搖為古高樓懷怨結眉
表色長門下泣破粉成痕復有影裏細腰令與真類鏡
中好面還將畫等此皆性情卓絕親致英奇故知吹簫

入秦方識來鳳之巧鳴瑟向趙始睹駐雲之曲筆持口

誦喜荷交并也 元帝答劉綰求述制旨義書曰學山

學海未臻其極為龍為光或從王事所賴昔經陝服頗

足良書憑几據梧靜供遊目枕中之記即用為枕帷前

之帙仍可為帷對此自娛敬而待命叩而必應已謝懸

鐘汲而無竭復乖井養 劉孝綽答梁元帝書曰伏承

自辭皇邑爰至荆臺未勞刺舉且擣高麗近雖預觀寸

錦而不覩金玉昔臨淄辭賦悉與楊修未彈寶笥顧慙

先哲 江淹詣宋建平王上書曰昔者賤臣叩心飛霜
擊於燕地庶女告天振風襲於齊臺下官蓬戶桑樞之
民布衣韋帶之士謬得升降承明之闕出入金華之殿
何嘗不局影凝嚴側身局禁者乎寧當爭分寸之末競
錐刀之利積毀銷金積讒磨骨遠則直生取疑於盜金
近則伯魚被名於不義 劉之遴與劉孝標書曰間聞
足下作類苑括綜百家馳騁千載彌綸天地纏絡萬品
撮道略之英華搜羣言之隱蹟鉛摘既畢殺青已就義

以類聚事以羣分述作之妙揚班儔也擅此博物何快
如之雖復子野調聲寄知音於後世文信構覽懸百金
於當時居然無以相尚自非沈鬱澹雅之思安能經年
勒成若此吾嘗聞為之者勞觀之者逸足下已疲於精
力宜令吾見此異書

劉孝標答劉之遴借類苑書曰

九冬有隙三餘暇時多遊書圃代樹萱蘇若夫采疊疊
於緇紈閱微文於殘竹咀飮膏液咀嚼英華不知地之
為輿天之為蓋靡測廻塘莫辨輿馬足以言乎是用

周流墳索詳觀圖牒搦管聯冊纂茲英奇蛩蛩之謀止
於善草周周之計利在銜翼故鳩集斯文蓋自綴其漏
耳豈冀藏山之石播於士大夫哉 增唐張九齡上姚
令公書曰見勢則附俗人之所能也與不妄受志士之
所難也君侯察其不苟附及不輕受就而厚之則禽息
之首為知己而必碎豫讓之身感國士而能漆至於合
如市道廉公之門客盈虛勢比雀羅廷尉之交情貴賤
初則許之以死殉體面俱柔終乃背之而飽飛身名已

遂小人恒態不可不察 李嶠上雍州高長史書曰嘗

聞諸師曰易稱君子或出或處蓋君子以時消息從道
污隆故其處則閉重玄坐虛白龍盤鳳峙桂郁蘭芬下
生川嶽之氣上發星辰之象其出則摘景光吐文質風
雲相召日月爭明撫八翼而登泰階提七星而酌元氣
夫然後始終亨吉進退利貞嶠當休明之期推去就之
分滄州密邇未徵嘉遯之交閭闔洞開不列亨衢之步
顧嘗希仕尺寸狗祿斗升胥僕之與鄰奔走之為役婆

娑塵垢之中蹉跎藩籬之際區區短懷亦云可見矣然
以守其愚直任此拙宦入門無為言之侶出谷罕求聲
之援生平琴曲惟以下調相哀疇昔朋遊詎有中人見
識自獲忝微班預聞賤事佩紛綸之雅訓承肅穆之清
塵有日矣亦曾越巖序趨下風希口吻之芳音候眉宇
之陽氣而堂上百里饒明無撤器之因門下三千毛遂
乏處囊之地雖願披心膽進欵誠雲漢逾邈風流遂遠
夫客果有能不孤彈劍之食士實難盡誰知執矢之工

此昔人所以慷慨於神交殷勤於知己者也伏惟君侯
日門翔照天池撫翼厨開銘鼎庭列歌鐘吐疊疊之言
植堂堂之望河陽春樹開四照於詞林洞庭秋水清九
流於心鏡粵若登金閣排玉堂利見九五差蹤二八或
奏昌言伏丹墀而心啓乃回天獎憑紫樞而目送南宮
秘省出入生光西京神輔指揮成俗固已羽儀振鷺黼
藻羣龍者焉下走家本燕南君侯昔臨趙北負書懷刺
方致維桑之禮貢帛翹車幸枉錯薪之薦愷悌之慈允

洽敷腴之好不忘洎解褐中林辭農下邑希光東壁猶
是貧女舊鄰激水西江非復達人前惠鄙賤之質未改
提獎之恩已別昔時薑桂早得因地而生今茲桃李翻
以無言受業豈非時享其會命塞其通者乎願君侯重
古人之風申國士之分假其白璧之契接以黃金之言
不忽當年要之卒歲則重如熊掌府中饒取義之賓輕
若鴻毛節下有狗生之士矣

檄一

原說文曰檄二尺書也從木敎聲 劉熙釋名曰檄激

也下官所以激迎其上之書文也 增文心雕龍檄移

篇曰震雷始於曜電出師先乎威聲兵先乎聲其來已

久至周穆西征祭公謀父稱古有威讓之令有文告之

辭即檄之本源也 又曰暨乎戰國始稱為檄檄者讞

也宣露於外讞然明白也張儀檄楚書以尺二 又曰

故其植義颺辭務在剛健插羽以示迅不可使辭緩露

板以宣衆不可使義隱必使事昭而理辨氣盛而辭斷

此其要也 又翰林論曰盟檄發於師旅相如諭蜀父
老可謂德音矣 潛確類書諭令瞭然曰檄 玉海檄
兵書也晉使呂相絕秦檄書始於此漢以後方有題

檄二

原史記曰張儀魏人嘗從楚相飲楚相亡璧意儀盜之
掠笞數百既相秦為檄告楚相曰吾從汝飲不盜汝璧
善守汝國我且盜汝城 漢書曰申屠嘉為丞相鄧通
居上前怠慢嘉為檄召通曰不來且斬通恐入言於上

上曰速往吾令召汝通至丞相府免冠徒跣頓首謝嘉
坐自如弗為禮 東觀漢記曰光武數召諸將置酒賞

賜坐席之間以要其死力當此之時賊檄日以百數憂
不可勝上猶以餘閒講經藝 又曰隗囂故宰府掾吏

善為文書每上書移檄士大夫莫不諷誦 又曰廬江

毛義少時家貧以孝行稱南陽張奉慕其義往候之坐
定而府檄適至以義守令義捧檄而入喜動顏色 典

略曰陳琳字孔璋作諸書及檄草成呈太祖太祖先苦

頭風是日疾發卧讀琳所製翕然而起曰此愈吾病數
加厚賜 魏志曰孫放善為書檄三祖諮命招喻多放
所為 續晉陽秋曰何無忌母劉牢之姊也無忌與高

祖謀夜於屏風裏製檄文母潛登屏上窺既知其謀大
喜曰汝能如此吾讐恥雪矣 李克起居戒曰軍書羽

檄非儒者之事且家奉道法言不及殺語不虛誕而檄
不切厲則敵心陵言不誇壯則軍容弱請姑舍之以擬
能者 增山堂肆考房玄齡為秦王世民記室出入十

年軍符表檄駐馬立辨文約理贍初無草藁 令孤楚

薦齊若表曰倘引在幕下列於賓佐使其馳一檄飛一

書必能應馬上之急求言腹中之所欲 又盧汝弼為

梁移檄於李克用中有句云自朱邪之板蕩致赤子之

流離謂人曰天生朱邪赤子供我之筆 玉海熙寧六

年瀘州羅晏夷叛詔中書檢正官熊本察訪以便宜從

事七年瀘夷平上勞之曰檄奏贍詳近世鮮有 元史

傳曰趙鼎至元元年帝欲為文檄宋執筆者數人不稱

旨乃召壁為之文成帝大喜曰惟秀才曲盡我意

檄三

原主漢國

入燕營

項羽檄漢高祖
魯仲連檄燕將

起相如

為彭

澤

司馬相如以木為書刺外國之尹
詳見上檄二毛義事以上俱白帖

下

增吹火催

秉燭草

北齊書曰高祖西討命李義深李士略共作
檄文二人皆辭請以孫搴自代高祖引搴入

帳自為吹火催促之搴援筆立成其文甚美高祖大說
即署相府主簿典與文筆明紀張佳胤萬歷十年兩

浙市民變作乘夜掠諸巨室且徧火光燭天張秉燭坐
堂皇草檄諭以禍福質明布之通衢衆取裂之割益甚
乃用兵梟五十餘人
諸無賴皆鳥獸散

琳瑯擅聲

彭楊並美

文心雕
龍曰琳

瑀以符檄擅聲 李商隱樊南甲集序曰十年
京師寒且餓人或目曰韓文柱詩彭楊草檄

盾鼻

磨墨 馬上占辭

北史傳曰荀濟字子通世居江左初
與梁武帝布衣交知梁武當王然負

氣不服謂人曰會稽上磨
墨作檄文 下見敏速

愁不起草 顧以口占

太平

御覽嵇氏世家曰含字君道為中書郎書檄雲集舍不
起草 陳書傳曰顧野王博洽問侯景之寇郛將袁君

正舉兵赴援文檄皆以委
之口占便就未嘗立草

遠近咸聳 本州獨完

山

肆考鄭畋與涇原程宗楚郛延李孝恭等盟誓傳檄天
下時王命不出綢門及畋檄出遠近咸聳各治兵思立
功奔問行在黃巢大懼不敢西向 又鄭縻補廬州刺
史黃巢掠淮南縻移檄請無犯州境巢笑為斂兵本州
獨完

蠻落復平

士氣皆起

又李夷簡徙劔南萬州刺
史王顯積奸賊致蠻叛去

夷簡逐顆作檄諭蠻禍福蠻落復平 王氏類苑王鐸
為諸行營都統移檄天下先是諸將皆莫肯先破賊及
鐸檄至號令殷然士氣皆起
爭欲破賊由是巢戰數蹙

劉曉大義 俱愜立理

玉海劉昌裔建中中曲環方攻濮州表昌裔為判官為
環檄李訥劉曉大義環上其草德宗異之 唐書傳曰
李巨川為華州掌書記時茂貞犯順天子駐蹕於華韓
建以一州之力供億萬乘慮其不齊遣巨川傳檄天下
請助轉餉同匡王室四方書檄酬報輻輳巨川灑翰
陳詞立理俱愜昭宗深重之時巨川之名聞於天下

檄四

原應詹作檄見者慷慨

晉書云應詹遷南平太守王澄
為荊州假詹督南平天門武陵

三郡軍事及洛陽傾覆詹攘袂流涕勸澄赴援
澄使詹為檄詹下筆便成辭義壯烈見者慷慨

趙煜

奉檄心恥廝役

謝承後漢書云趙煜少嘗為縣吏奉檄送督郵煜心恥於廝役遂棄車馬去到

健為資中詣杜撫受韓詩究竟其術案資中縣名杜撫字叔和健為武陽人也少有高才受業於薛漢定韓詩

章句 易雄列王敦罪

鄧粲晉書曰春陵令長沙易雄距王敦馳檄遠近列敦罪惡城陷為

魏人所虜送詣敦以檄示雄雄曰有之但雄力弱不能扶翼本州匡救國難以此慙恨爾

陳琳書

魏武罪

獻帝春秋云太祖平鄴謂陳琳曰君昔為本初作檄書但罪孤而已何乃以及父祖乎琳謝曰

矢在絃上不

羽檄三至

魏志云袁紹以董昭領魏郡太守時郡界大亂賊以萬數

遣使往來交易市賈昭厚待之因用為問乘虛掩討輒大克破二日之中羽檄三至

書檄立成

王隱晉書曰孫惠為東海王越記室掌文疏豫參謀議造檄驛馬催之應命立成以上北堂書鈔

增

見檄流涕

晉書曰元帝遣揚威將軍甘卓鼓威將軍敦逸攻周馥於壽春安豐太守孫惠率衆應之

使謝擒為檄擒馥之故將馥見檄流涕曰必謝擒之詞擒聞之遂毀草旬日馥衆潰

捧檄流涕

山堂肆考李愬擒蔡李祐詔釋之愬令佩刀出入帳下署六院兵馬使六院者唐禁兵也祐捧檄流涕

蹋折郡檄

晉書曰張軌為涼州刺史時晉昌張越京州大族讖言張氏霸涼州自以才力應之陰謀

代軌乃遣兄鎮及曹祛趙佩移檄廢軌軌遣主簿奉表詣闕將歸老宜陽長史王融參軍孟暢蹋折郡檄排闥

入諫軌默

不草偽檄

白居易李公家廟碑曰公名紳李錡盜據京口公寓居無錫會

然從之

擢第東歸錡聞公名署職引用強以章檄絕筆不書

謂天上人

李德林見詔二

天供

我筆

見上

文檄豪健

山堂肆考裴度表舒元興掌興元書記文檄豪健一時推許

檄奏贍詳

見工

傳檄諸國

通鑑開元三年監察御史張孝嵩陳磧西利害請察其形

勢十一月攻阿了達於連城屠其三城俘斬千餘級了達逃入山谷孝嵩傳檄諸國威震西域勒石紀功而還

馳檄比州

山堂肆考時朱泚亂崔造輒馳檄比州發所部二千以待命德宗深嘉之

馳

馬立辦

見上

應馬上急

見上

傳檄河北

唐書傳曰顏杲卿安祿山反時

真卿在平原約共起兵討賊乃斬李欽湊械賊將高邈何千年送京師即傳檄河北言王師二十萬入土門遣

郭邕領百騎為先鋒馳而南望

馳檄諸道

又曰王景崇黃巢反

者謂大軍至日中傳數百里

偽使齎詔至景宗斬以徇因發兵馳檄諸道合定州王處存連師西入關問行在貢輸相繼

覽檄

矍然

又曰駱賓王初為徐敬業府屬為檄傳示天下斥武后罪后讀至一杯之土未乾六尺之孤安在矍

然曰有才如此而使之
流落不偶宰相之過也

覽檄大喜

見上

檄如流星

李白

古風曰羽
檄如流星

檄如飄風

又送羽林陶將軍詩
日飛書走檄如飄風

檄如雉

走

杜牧平党項表曰雉
走檄書遠近同至

檄如狼毒

山堂肆考王弘義
再遷左臺侍御史

每移檄州縣所至震懼弘義輒
自說曰我文移如狼毒野葛

投檄討賊

吾學編傳
曰王守仁

字伯安巡撫南贛汀漳等處宸濠反公適勘事福建急
走小舸還至吉安與知府伍文定謀起兵討賊發檄召

江西諸知府邢珣等兵又密遣諜四出投檄至京師及
湖廣廣東廣西南京淮安浙江各發兵討賊以疑宸濠

使不敢
出南昌

移檄捕奸

明紀漫錄曰龍宗武泰和人附江
陵躡致少參嘗臨吳士期開空舍

至食衣機死江陵賊戍廬州着伍兩月而逃乃移檄江
右捕之宗武素驕氣盛見子檄有昔幸脫兩觀之誅今

復遁三苗之竄批鱗義士尚尊君命以投荒舐痔邪臣
反貌王章而離伍遂發狂疾號呼奔走目投廁中食穢
物醫治

文檄皆出其手

唐書傳曰賀德仁開皇中為
延州參軍入調吏部尚書牛

周效

弘給筆札令自序援筆而成
及在隴西府文檄皆出其手

書檄皆出其手

吾學編
傳曰陳

基字敬初臨海人初在藩
府飛書走檄皆出其手

檄五

原檄文漢司馬相如喻巴蜀檄文曰夫邊郡之士聞烽
舉燧燔皆攝弓而馳荷戈而走流汗相屬惟恐居後觸
白刃冒流矢議不反顧計不旋踵彼豈樂死惡生而巴

蜀異主哉計深慮遠急國家之難而樂盡人臣之道也
故有剖符之封析圭而爵終則遺顯號於後世傳土地
於子孫名聲施於無窮功烈著於不滅是以賢人君子
肝腦塗中原膏液潤野草而不辭也今奉幣役至南夷
即自賊殺或亡逃抵誅身死無名謚為至愚恥及父母
為天下笑人之度量相越豈不遠哉 魏陳琳為袁紹
檄豫州曰操父嵩乞匄攜養因賊假位與金輦驛輸貨
權門竊盜鼎司傾覆重器續遇董卓侵官暴國於是收

羅英雄棄瑕取用故遂與操同諮合謀操遂承資跋扈
肆行凶忒割剝元元殘賢害善爵賞由心刑戮在口所
愛光五宗所惡滅三族又特置發丘中郎將摸金校尉
所過墮突無骸不露乃欲摧撓棟梁孤弱漢室除滅忠
正專為梟雄幕府奉漢威靈折衝宇宙長戟百萬胡騎
千羣奮中黃育獲之士騁良弓勁弩之勢并州越太行
而角其前荊州下宛葉而掎其後若舉炎火以熖飛蓬
覆滄海以沃燧炭有何不消滅者 又檄吳將校曰孫

權小子未辨菽麥要領不足以膏齊斧名字不足以涔
簡墨謂舟棹足以距皇威江湖可以逃靈誅不知天網
設張以在綱目鑿鑊之魚期於消爛也若使水而可恃
則洞庭無三苗之墟子陽無荆門之敗朝鮮之壘不刊
南越之旌不拔也丞相銜奉國威為民除害元惡大憝
必當梟夷蓋鳳鳴高岡以遠爵羅聖賢之德也鸛鳩之
鳥巢於葦苕苕折子破下愚之惑也今江東之地無異
葦苕諸賢處之信亦危矣魏鍾會檄蜀文曰今主上

聖德欽明紹隆前緒宰輔忠肅明允勛勞王室布政垂
惠而萬邦協和施德百蠻而肅慎致貢悼彼巴蜀獨為
匪民是以命授六師龔行天罰今邊境又清方內無事
蓄力待時并兵一向而巴蜀一州之衆分張守備難以
禦天下之師比年以來曾無寧歲征夫勤瘁難以當子
來之民此皆諸賢所共親見誠能深鑒成敗邈然高蹈
投迹微子之蹤措身陳平之軌則福同古人慶流來裔
晉孫惠為東海王討成都王檄文曰穎稟性强暗增

崇位號阿比奄官專任猛政遂使恣睢殺活由已疾諫
好讒小人滿側官以賄成位以錢獲囚以貨生獄以幣
解百官卷舌朝野隱伏案牘之罪書記未有禍甚叔帶
逆隆魯桓為子則不孝為臣則不忠為弟則不順為主
則不仁四惡具矣豺狼之性有甚無悛庾闡為郗鑒
檄青州文曰蓋天地有盈虛之期皇代有盛衰之會姬
文至聖猶西患昆夷周宣哲王而北難獫狁天步禍亂
有自來矣是以石勒因曩者之弊遇皇綱暫弛遂陵跨

神州翦覆上國二十餘載毒流四海人神含憤天誅自滅而石虎窮凶襲其餘業內肆豺狼之暴外有無辜之禍念諸文武百姓同為和氣之民而不蒙太陽之施奔波於海岱之間逼迫於寇戎之手行者窮征役居者困重賦死生契濶良難為心 又檄李勢曰告巴蜀士民夫昏明代運否終則泰賢哲睹機以知變不肖滅亡以取禍昔者皇運中消乾綱暫弛曜勒窮凶肆暴神州李劉啟逆竊逼岷川翼以不才任符分陝未能仰宣皇恩

招攜以禮而使三巴之民制於犬羊之羣元元之命懸
於豺狼之口所以假寐永歎疾如疾首者也凡百黎民
秋毫不犯檄到勉思良圖自求多福無使蘭艾同焚永
作鑒誠信誓之明有如皦日 又為檄石虎文曰石勒
因釁剪覆舊京窮凶極逆偽號累祀百姓受灰沒之酷
王室有黍離之哀不有少康之隆孰能祀夏不有宣王
之興誰尅舊物羯帥石虎僭襲凶業負恃其衆陸梁河
朔每念忠順之士懷仁抱義含膽飲血離其禍酷心存

倒戈而力不能奮今遣使持節荊州刺史都亭侯翼高
旗連雲組練映日運孫吳之籌按尚父之略莫不張膽
阻鐵人思自奮以此衆戰其猶烈火之燔秋蓬衝颺之
掃落葉也 梁元帝伐侯景檄文曰粵若梁興五十餘
載平一字內德惠攸長仁育羣生義征不服建翠鳳之
旗則六龍驤首擊靈鼉之鼓則百神警肅風牧方邵之
賢衛霍辛趙之將叱咤則風雲興起鼓動則嵩華倒拔
協和萬邦平章百姓十堯九舜曷足云也賊臣侯景向

奴叛臣鳴鏑餘噍冒干貨賄不知紀極敢興逆亂梗我
王畿賊臣正德阻兵安忍者結怨江干遠適單于虔劉
我人民離散我兄弟臧獲之人五宗及賞措紳之士三
族見誅南山之竹未足言其愆西山之兔不足書其罪
雷震風駭直指建業按劔而叱江水爲之倒流抽戈而
揮皦日爲之退舍如駟馬之載鴻毛奔牛之觸魯縞
後魏魏收檄梁文曰夫辰象麗天山嶽鎮地方以類聚
物以羣分建之以邦國樹之以君長日月於是莫貳帝

王所以總一雖五運相推百王革命此道所行孰云能
易而皇家承統光配彼天義洽幽明化周動植崇文德
以來遠脩禮讓以止訟舞干羽於兩階執玉帛於萬國
元功潛運至德旁通百姓日用而不知兆民受賜而無
迹惟彼吳越獨阻聲教侯景豎子本無土業以金陵逋
逃之藪江南流離之地甘辭卑體進孰圖身而偽朝大
小幸灾忘義主荒於上臣蔽於下人而無禮其能國乎
亦既失信不亡何待今帝道休明皇猷允塞雖有賊臣

去國亡卒出境何異一毛之落牛體雙鳧之飛海濱彼
既連結姦惡斷絕鄰好追兵保境縱盜侵國蓋物無定
方事無常勢是以吳侵齊境遂至句踐之師趙納韓地
終有長平之役矧乃鞭撻疲民侵軼徐部築壘擁川捨
信邀利此而可忍孰不可懷貞陽以猶子之親當戎首
之任非但力屈道窮亦將路無還蜀兼復挾子垂翅俱
在籠樊雖復貪利苟得背同即異獲一人而失一國見
黃雀而忘深井智者所不爲仁者所不向誠既往之難

速猶將來之可追侯景以鄙里之夫遭風雲之會位登
三事邑啓萬家揣身量分久當止足彼乃示之以利器
誨之以慢藏使其勢得容奸令其時堪乘便計雖非孫
吳猛將燕趙精兵猶是久涉行陣曾習軍旅拒此則作
氣不足攻彼則為勢有餘呼之則反速而釁小不懲則
叛遲而禍大但恐楚國亡援禍延林木城門失火殃及
池魚橫使江黃士子荆揚人物死亡矢石之下天折露
霧之中人人厭苦家家思亂將險躁之風俗任輕薄之

子孫朋黨路開兵權在外必將禍生骨肉難起腹心強
弩衝城長戟指闕徒探雀穀無用府藏之虛空請熊蹯
詎延漏刻之命外崩中潰今實其時鵠蚌相扼我乘其
弊方使鐘山渡江青蓋入洛荆棘生於建業之宮麋鹿
遊於姑蘇之館但恐革車之所輶轢劒騎之所蹂踐杞
梓於焉傾折竹箭以此摧殘若吳之王孫蜀之公子順
時而動見幾而作歸歟軍門委命下吏當使焚櫬而出
拂席相俟必以楚材終為晉用也 陳徐陵檄周文曰

主上恭膺寶歷嗣奉瑤圖既稟聖人之材兼富神武之
略又安兆庶共靖戎華用戢干戈永銷鋒鏑況復追惟
在楚無忘玉帛之言軫念過曹猶感盤餐之惠年馳玉
節之使歲降銀車之恩庶使懷音微悟知感而反其藏
匿招我叛臣翊從瀟湘空竭關隴荆梁左右漢沔東西
額地呼天望俾哀救夫一人掩泣猶愴滿堂百姓為心
彌切宸衷大都督吳明徹台司上將德茂勲高威著荆
湘化聞庸蜀叱咤而平宿豫吹噓而定壽陽席卷江淮

無淹弦望 增唐駱賓王代徐敬業傳檄天下文曰敬

業皇唐舊臣公侯冢子奉先君之成業荷本朝之舊

文粹

厚作恩宋微子之興悲良有以也袁君山之流涕豈徒然

哉是用氣憤風雲志安社稷因天下之失望順宇

集作遂海

內之推心爰舉義旗誓

文粹作以

清妖孽南連百越北盡三

河鐵騎成羣玉軸

唐書作

相接海陵紅粟倉儲之積靡窮

江浦黃旗匡復之功何遠邊

唐書作班

聲動而北風起劍氣

衝而南斗平喑鳴則山岳崩頽叱咤則風雲變色以茲

一作制敵何敵不推以此圖功集作以此攻城何功一作不克

公等或居漢地或叶周親唐書作或家傳漢或膺重寄

於爪牙或受顧命於宣室言猶在耳忠豈忘心一抔之

土未乾六尺之孤安在文粹作何託儻能轉禍為福送往事

居共立勤王之功文粹作圖無廢舊文粹作大君之命凡諸爵賞

同指唐書作裂山河若其某作或眷戀窮城徘徊歧路坐昧先

幾之兆必貽後主之誅李商隱為濮陽公檄劉稹文

曰幸請自求多福無辱前人護龍旒以歸洛師秉象笏

而朝魏闕必當勲庸繼代富貴通身無為鄰道所資使
作他人之福儻尚淹歸欵未整來軒

集作
轅

戎臣鼓舞以

爭先天子赫斯而降怒金珙一受牙璋四馳魏衛壓其
東南晉趙出其西北拔距投石者數逾萬計科頭擊手

者動以千羣兼驅挽虎之材官仍率射鵬之都督感義
則日月能駐拘憤則沙石可吞使兵用火焚城將

集作
兼

水灌魏趣邢郡趙出洛州分二大都之間是古平原之
地車甲盡輸於此境糗糧反聚於他人恃河北而河北

無儲倚山東而山東不守以兩州之殘

集作餓

殍抗百道

之奇兵比累卵而未危寄孤根於何所則老夫不佞亦有志焉願驅敢死之徒以從諸侯之未下飛狐之口入

天井之關巨浪難防長飈易扇此際必當驚地底之鼓

角駭樓上之衝梯喪貝躋陵飛走之期既絕投戎

一作戈

散地灰釘之望斯窮自然麾下平生盡忘舊愛帳中親

信即起他謀辱先祖之神靈為明時之哂

集作戮

笑靜言

其漸良以驚

集作兢

魂今故再遣使車重申丹素惟鑒前

代之成敗訪歷

集作
用

事之賓寮思反道敗德之難念順

令畏威之易時以吉日蹈茲坦途勿餒劉氏之魂勿汚
潞人之俗封帛增款含毫益酸延望還章用以上表成
敗之舉慎惟圖之

移一

增文心雕龍檄移篇曰故檄移為用事兼文武其在金
革則逆黨用檄順命用移所以洗濯民心堅同符契用
意小異而體義大同也 又曰移者易也移風易俗令

往而民依者也相如之難蜀父老文曉而喻博有移檄之骨焉及劉歆之移太常辭剛而義辨文移之首也陸機之移百官言約而事顯武移之要者也

移二

原後漢書曰韓馥見民情歸袁紹忌方得衆恐將圖已常遣從事守紹門不聽發兵喬瑁乃詐三公移書傳檄州郡說董卓罪惡企望義兵以釋國難馥於是方聽紹舉兵典略曰衛襄字叔遼脩行至孝州郡嘉之時有

白波賊衆數萬人官兵誅討不能平而言使襄要我願
解散於是襄為書移即平定 王隱晉書曰毛寶據邾
城陷寶屍沈江不出戴詳移告河伯諸神使出寶屍十
餘日乃出 增南齊書傳曰孔稚圭字德璋周彥倫隱
於北山後應詔出為鹽官令欲過北山乃假山靈之意
移書於北山 梁書傳曰裴子野普通十年大舉北侵
敕子野為移魏文受詔立成武帝以事體大召徐勉周
捨劉之遴朱异集壽光殿以觀之並歎服武帝目子野

曰其形雖弱其文甚壯 唐書傳曰韓朝宗楚故城有

昭王井言汲者死行人雖渴困不敢視朝宗移書諭神

自是飲者無恙人稱韓公井 又曰顧少連補登封主

簿邑有虎患命塞陷穽移文獄神遂不為害 唐文粹

有司空圖移雨神文 宋文鑑有宋白移三山文 宋

史傳曰李肅作代周顥答移北山文弔幽憂子文病雞

賦意皆有所規焉 宋訥題晦菴除秦檜祠文後曰微

國文公所著曰移文者先生淳熙中提舉浙東常平因

以公文移郡除去之也 金史曰天興二年詔尚書省

移書恒山公武仙進兵帝覽書問誰為之右丞完顏仲
法曰前翰林應奉王鶚也曰朕即位時狀元耶召見惜
擢用之晚 明紀夏原吉治水至湖州宿慈感寺先是

潮音橋下有蚌常浮水面吐珠每風雨即有蛟龍來攫
是夕化老嫗攜美女訴於原吉公書一詩授之至吳淞
江有金甲神來訟曰聘鄰女久無賴以大人書相抵公
憶其為慈感蚌之仇也為文牒海神次日大風雨震死

一蛟於潛溪之北 明詩紀事謝肅字原功上虞人出
按漳漳有虎患移文境內之神即日遯去

移三

原移文漢劉歆讓太常博士移文曰歆欲建立左氏春
秋毛詩逸禮古文尚書皆列學官哀帝令歆與五經博
士講論其義諸儒博士或不肯置對歆因移書責讓之
曰往者綴學之士不思廢絕之闕苟因陋就寡分文析
字信口說而背傳記是末師而非往古至於國家將有

大事若立辟雍封禪巡狩之儀則幽冥而莫知其源猶
欲保殘守缺挾恐見破之私意而忘從善服義之公心
或懷嫉妬不考情實雷同相從隨聲是非抑此三學皆
以尚書為不備謂左氏為不傳春秋豈不哀哉夫可與
樂成難與慮始此乃衆庶之所為耳非所望於士君子
也 梁簡文帝答穰城求和移文曰屬彼數及侮亡運
逢瓦解石言水鬪實驗地凶飛絮雨粟還符天怪故淪
俗駿奔遺黎南請所以皇略北征事同拯溺愍百姓之

未安傷一物之失所故餘民極負埽地來王而向化之
黨忽覽今移咸以陶茲禮樂重覩衣冠已變伊川之髮
魚削呼韓之旌寧當生入玉關死歸建業民情若此匪
我求蒙行人遠屆實亦勞止想近察時機遠詳圖緯早
去中原遽反桑梓旋地脈而北移越大渠而南指然後
三姓二賢可存十半如其遂固守株不達懸象將恐衛
將之師復有狼居之戰應侯之討更睹陰山之哭任
孝恭答魏初和移文曰蓋聞軒轅五十二戰義在拯民

湯武七十二征本惟靜難明異時而同致信殊政而一
揆我皇屆茲上聖承彼百王卷六合而包容弘二儀而
覆載照高日月澤富雲雨值魏氏紛綸亟離星晷競尋
干戈爭以廢興王無卒歲相不浹辰隻馬泣師月陳庭
闕裹糧請救日欵闕扉故屢動雲旗再驅蒼兕同小白
之存亡等任好之繼絕匹夫是讐尺土非利然百戰百
勝猶苦四民九拒九攻終勞萬姓納隍之念無忘日是
李陵失律暫推羽鱗同孟明之反秦似荀瑩之歸晉并

賚來移聞之委曲知彼當辟得人兆龜有主欲偃兵戈
式敦雅好鶴鳴九臯戾天已響出其言善良以欣然輒
勒緣邊屯戍各息烽警旗旌畫捲刁斗夜傳混雞犬於
四鄰接桑麻於二境 陳徐陵為護軍長史王質移文
曰比金風已勁玉露方團宜及窮秋幸踰高塞當使孤
旌不反隻騎無還非止湯羅豈知堯德其承比年民墊
仍歲蘊隆粒粟貴於隋珠分縻乏於齊鼎且氏羌旅距
已跨伊瀍胡羯憑陵方踰汾潞刺虎之勢時期下生拾

蚌之機彌驗蘇子但國家體茲明信有同皦日豈惟風
雨之旦猶救匹夫宵夢之言無欺幽壤賊華皦近以臨
蕃有譴作牧無章既懼檻車之徵便憂齊斧之戮遂乃
治兵楚夢竊載干戈傍引西戎共謀東夏僞周遣其衛
國公宇文直等總統獠獫爲其羽翼醜徒濟岸來攻郢
城逆豎浮舟同趣夏浦王師機權素在中流羣帥爭驅
應時殲蕩羌胡寶馬縱橫七澤之中荆楚樓船彌滿三
江之上俘禽所獲水陸無遺華皦擢自芻微叨居蕃翰

情慚犬馬罔顧恩靈翻執干戈自圖家國聞諸間諜具
彼鄰謀乃授冬官即為鄉導雖傷仁義之俗非敢有私
期和與國之情猶冀無失 又移齊文曰獲去月二十

日移承羯寇平殄同懷慶悅眷言鄰睦深副情佇夫天
網之大固無微而不擒神武之師本無征而不克至於
戎王傾其部落逆豎道其鄉闕非厥英圖殆難戡戮況
復洞庭遐曠兵食殷阜西窮板屋北罄瓊廬聲冠苻姚
勢兼聰勒庸蜀寶馬彌山不窮巴漢樓船陵波無際我

之元戎上將協力同心承稟朝暮致行明罰為風為火
殪彼蒙衝如霆如雷擊其舟艦羌兵楚賊赴水沈沙棄
甲則兩岸同奔橫屍則千里相枕江川盡滿譬睢水之
無流原隰窮胡等陰山之長哭於是黑山叛邑諸城洞
開白虜連羣投戈請命長沙鵬鳥靡復為妖湘川石燕
自然還僂克翦無算縲禽不貲欲計軍俘終難巧歷所
獲龍駒驥子百千其羣更開首蓓之園方廣駒駝之廐
於是衛霍甘陳虬髯瞋目心馳隴路志飲河源乘勝長

驅未知所限豈如桓溫不武棄彼關中殷浩無能長茲
羌賊方且西踰酒郡抵我境而置邊亭東略鹽池為齊
朝而反侵地此政亦翦妖氛未窮巢窟便聞慶捷愧佩
良深

圖一

增唐呂溫地志圖序曰粉散百川黛凝羣山元氣剖判
成乎筆端玉海河出圖天地有自然之象洛出書天
地有自然之理圖經也書緯也一經一緯相錯而成文

圖植物也書動物也一動一植相須而成變圖至約也
書至博也即圖而求易即書而求難古之學者為學有
要置圖於左置書於右索象於圖索理於書 又曰翔
翔周覽一息千載 宋吳淑上言請令諸轉運使每十
年各畫本路圖曰所冀天下險要不窺牖而可知九州
輪廣如指掌而斯在

圖二

原河出圖聖人則之

易繫辭云河出圖
洛出書聖人則之

心之謀書之

謀也

張衡圖序

河出馬圖

禮運云山出器車河出馬圖

河出綠圖

隨巢

子云殷滅周人受之河出綠圖也

鳳銜圖

春秋運斗樞云黃帝與大司馬容光觀鳳銜圖置黃

帝前

龜負圖

尚書中候云玄龜負圖而出

龍圖玉檢

河圖云舜即位黃龍負圖

而出黃玉為匣白玉為檢

龍圖金縢

劉稹魯都賦云君乃考王道之去就覽萬代之興衰發龍

圖於金縢啓洛典於石扉

披圖視典

穆天子傳云天子至於崑崙之立披圖視典觀天子之寶

器

按讖披圖

曹植魏德論云名儒按讖良史披圖

授益地圖

尚書緯云西王

母授益地圖於舜

披輿地圖

後漢書云鄧禹從上至廣阿光武舍城樓上披輿地圖指示禹

曰天下郡國如是

畫地成圖

漢書云張安世子千秋擊烏桓還謁大將軍霍光光問千秋戰

關方略山川形勢千秋口對
兵事畫地成圖無所忘失

積石作圖

異苑云諸葛亮於漢中積

石作八

地域圖

裴秀地域圖序云上考禹貢山海川
流原隰陂澤古之九州及今之十六

陣圖

州郡國縣邑疆界鄉阨及古國盟會舊名水陸徑路為
地域圖十八篇按晉書裴秀傳云制圖之體有六焉一
曰分率所以辨廣輪之度也二曰準望所以正彼此之
體也三曰道里所以定所由之數也四曰高下五曰方
邪六曰迂直此三者各因地而制宜所以校夷險之異也

方丈圖

晉諸公贊云司

下大圖用縑八十匹省視既難事又不審乃裁減為方
丈圖以一分為十里一寸為百里從率數計里備載名
山都邑王者可不

負勝圖

黃帝玄女兵法曰禹問於
風后曰古有黃帝負勝圖

下堂而知四方也

六甲陰陽之道今安在風后曰其圖黃帝藏於會稽之
山下其穴深千丈闊千尺鎮以磐石求之者亡視之者

盲致難得也

兵雲圖

益部耆舊傳云楊中有兵雲圖時竇憲將兵在外太守高安遣工從申寫

圖以進憲申口授以成圖以上北堂書鈔

增山海圖

畫史會要禹巡行四瀆與益夔共謀行到

名山大澤召其神而問之山川脈理金玉所有鳥獸昆蟲之類使益圖而記之名曰山海經陶元亮所謂流觀山海圖又啟使蜚廉圖百物之象鑄之以鼎是也

九鼎圖

使民知神姦故民入山林川澤不逢

不若幼官圖

管子經言幼官篇第八幼官圖第九有五方本圖五方副圖

真形圖

十洲記臣先師谷希者昔授臣崑崙鍾山蓬萊山及神洲真形圖昔來入漢留以寄知故人此書尤重於嶽形矣

金城圖

漢書傳曰趙充國至金城圖上方略

寰瀛圖

額府陳季卿舉進士十年

不歸於青龍寺值終南山翁辟問有寰瀛圖季卿尋江南路歎曰安得自此歸翁折竹葉置渭水中曰注目於

此熟視一舟甚大

王會圖

又唐太宗諸國
朝貢作王會圖

帝鑑圖

登舟旬餘至家

明紀隆慶五年十二月輔

百忍圖

玉海深寧叟百忍
圖述曰忍之一字

臣張居正等進帝鑑圖說

衆妙之門忍之少時福祿無期又曰習忍可以知容如
此者其張公藝乎書忍字至百餘焉家親而天下疎忍

於外易忍于內難公藝處家

百官圖

歐陽脩范文正
公神道碑曰知

之心推之治天下裕如也

開封府為百官圖以獻曰任人各以其材而百職修堯
舜之治不過此也因指其遞進遞速次序曰如此而可

以為公可以為

君臣圖

唐會要曰陸贄著
君臣圖要三十卷

師友圖

私亦不可不察

元史傳曰趙復以周程而後其書廣博學者未能貫通
乃原義農堯舜所以繼天立極孔子顏孟所以垂世立
教周程張朱所以發明紹續者共五
十有三人作師友圖以寓私淑之意

洛書圖

玉海仁
宗御製

集有洛書五

字圖一卷

太極圖

見著述

流民圖

宋史傳曰鄭俠
監安上門時久

早百姓流移據逐
日所見繪圖以獻

飢民圖

明紀萬歷二十二年刑科
給事楊東明進飢民圖說

無逸圖

見尚書

幽風圖

宋漁題幽風圖後曰臣漁傳
經于東宮者十有餘年凡所

藏圖頗見之中有趙魏公孟頫所畫幽風前書七月之
詩而以圖繼其後皇太子覽而善之命工裝褙作卷軸
以傳
悠久
河渠圖
元史世祖紀曰至元元年詔遣唆脫顏
郭守敬巡視西夏河渠俾以其圖來上

鹽場圖

吾學編傳曰彭韶字鳳儀莆田人以其刑部侍郎
即巡視浙江戶部言鹽法沮壞即敕公兼理

鹽法公繪煮海貧人晒淋熬負
折閱朋儕之苦節為八圖以獻

江陵圖

元明善廬文
正公神道碑

日王師渡江下江州急召王入朝令右
丞阿里海牙下江陵圖其地形上之

洛陽圖

明紀
洪武

二十四年十一月皇太子還自

河北圖

唐書傳曰李吉甫圖上河

陝西意欲都洛陽為圖以獻

北險要所在帝張于浴堂門辟每議河北

西域圖

宋史

一事必指吉甫曰朕日按圖信如卿料矣

傳曰盛度奉使陝西周覽疆域參贊漢唐故地為西域圖以獻真宗稱其博學

拜洛受圖

唐書

則天皇后紀曰垂拱四年夏五月庚申得寶圖於洛水七月改寶圖為天授聖圖十二月乙酉拜洛受圖

瑞石呈圖

解縉曰永樂歌辭有瑞石呈圖日月合璧重輪宛然云云

天寶瑞圖

高適

為東平薛太守進王氏瑞圖詩序云范陽盧某母琅邪王氏去景龍二載撰天寶回文詩凡八百一十二字循環有數應變無窮謂其子曰吾沒之後爾密記當逢有道之君必遇非常之主則真圖之製便可上言

仙人字圖

宋史傳曰李至母張氏夢八仙人自天降授字圖使吞之及寤猶若有物在胃中

禹九州圖

述異記曰魯班刻石為禹九州圖猶在洛城石室山

神輸五圖

漢書藝文

志曰神輸五篇圖一劉向云王道得則四海輸之祥瑞也

讖一

增劉熙釋名曰讖纖也其義纖微也 隋經籍志曰漢

時詔東平王蒼正五經章句皆從讖俗儒趨時益為其
學篇卷第目轉加增廣言五經者皆憑讖為說惟孔安
國毛公王璜賈逵之徒獨非之相承以為妖妄亂中庸
之典 唐書李宗閔傳曰帝問符讖可信乎何從而生

楊嗣復曰漢光武以讖沒事隋文帝亦喜之故其書蔓
天下班彪王命論有所引述特以止亂賊非重之也李
珣曰治亂當据人事耳帝曰然文心雕龍正緯篇曰
有命自天廼稱符讖而八十一篇皆託於孔子則是堯
造綠圖昌制丹書其偽三矣又曰於是伎數之士附
以詭術或說陰陽或序災異若鳥鳴似語蟲葉成字篇
條滋蔓必假孔氏通儒討覈謂起哀平東序祕寶朱紫
亂矣又曰沛獻集緯以通經曹褒據讖以定禮乖道

謬典亦已甚矣是以桓譚疾其虛偽尹敏戲其琛瑕張
衡發於僻謬荀悅明其詭誕又曰平子恐其迷學奏
令禁絕仲博惜其雜真未許煨燼李華質文論曰識
緯之書存而不論明太祖却黃衣者歌曰明理者非
鬼怪可惑守義者非識緯可遷

識二

原號世識

蜀志孟達與劉封書曰夫不經之言而有驗應者號曰世識也

採識緯

蔡邕

叙樂曰世祖追脩前業採識緯之文曰太子樂府曰黃門鼓吹

讀圖識

東觀漢記曰光武避正殿

讀識坐廡下淺露中風苦咳也又案光武中元元年
初起明堂靈臺辟雍及北郊北域宣布圖識於天下

校圖識

又云尹敏辟大司空府上以敏博通經記令校
圖識敏對曰識書非聖人所作其中多近鄙別

字頗類世俗之
辭恐疑誤後生

譏圖識

又云桓譚譏訕圖識有詔會
議靈臺所處帝曰吾以識沒

何如譚
不應

亡秦者胡

史記云秦始皇巡北邊從上郡入
燕人盧生使入海還以鬼神事因

秦錄圖書曰亡秦者胡也始皇乃使將軍
蒙恬發兵三十萬人北擊胡略取河南地

代漢者魏

蜀志周舒字叔布時人有問春秋識曰代漢
者當塗高此何謂也舒曰當塗高者魏也

勒都襄

國 吳苑云石勒為郭敬客時襄國有識曰力在左革在
右讓無言或入口讓去言為襄字或入口乃國字也

勒後遂
都襄國

循起會稽

又云太元末有識曰循起會稽受
會稽二九及安皇肇建既而孫思

叛據盧循繼寇十載以二賊叛驗之

臣不為識

後漢書鄭興傳云光武嘗問興郊祀事曰吾欲

以識斷之何如興對曰臣不為識帝怒曰卿之不為識非之邪興惶恐曰臣於書有所未學而無所非也光武意乃解

臣不讀識

後漢桓譚傳云時帝信識多以沒定嫌疑譚曰臣不讀識帝問其故譚復

極言識之非經帝大怒曰桓譚非聖無法將下斬之譚叩頭良久乃得解

魚書狐鳴

漢書陳勝

吳廣傳曰勝廣行卜卜者知其指意曰足下事皆成有功然足下卜之鬼乎勝廣喜念鬼曰此敎我先威衆耳

迺丹書帛曰陳勝王置人所罾魚腹中卒買魚烹食得書又間令廣之次所旁叢祠中夜篝火狐鳴呼曰大楚

興陳勝王

雲集龍鬬

後漢書光武先在長安時同舍生彊華自閩中奉赤伏符曰劉秀發兵拒

不道四夷雲集龍鬬野四七之際火為主以上北堂書鈔

增開房記

唐書傳曰道士桓法嗣自

言解圖識王世充悅之乃上孔子開房記畫作丈夫持一竿驅羊狀因說世充曰隋楊姓也於文干一為王王處羊後大夫

推背圖

元史世祖紀曰至元二十一年五月括天下私藏天文圖識太

當代隋之符

乙雷公式七曜推背圖

西太

水丑木

南史傳曰陶弘景齊末為歌曰

監歷有私習及藏匿者罪之

水丑木為梁字及武帝兵至新林遣弟子戴猛之假道奉表及聞議禪代弘景援引圖識數處皆成梁字令弟

子進

桃李子

唐書曰高祖將興天下歌桃李子

一萬日

隋書傳曰劉昉時柱

之

國梁士彥字文忻俱失職忿望昉並與之交數相往來遂相與謀反許推士彥為帝後事泄下詔誅之昉妻自論常云姓是卯金刀名是一萬日劉氏應王為萬日天子

十八子

吾學編傳曰谷庶人德洪武二

十六年建邸宣德建文初靖難兵起走還京師守金川門見太宗麾蓋開門迎降已而改封長沙驕橫日與都

指揮張成宦者吳智劉信等謀為作讖書以為讖有十八子云我為皇十八子陰傳播惑東徵至京師廢為庶人

名在讖書

唐書傳曰張亮公孫常曰我兄子大品言有神告公名在讖書亮既悅會陝人

常德發其

身應圖讖

歐陽脩言于上曰狄青本武人不知進退迹道路傳說訛言益

甚或言其身應圖讖或言其室有火光而陛下未之聞也

黃旗紫蓋

吳志注江表傳曰初丹陽

刁元使蜀得司馬徽與劉廙論運命歷數事元詐增其文以誑國人曰黃旗紫蓋見于東南終有天下者荆揚

之君

白馬青絲

南史傳曰侯景至朱雀航先是大同中童謠曰青絲白馬壽陽來景過陽

之敗求錦朝廷所給青布及是皆用為袍采色尚青景乘白馬青絲為轡欲以應讖

白馬素羈

魏略曰令狐愚聞楚王彪有智勇又有童謠曰白馬素羈西南馳其誰來者朱虎騎楚王小字朱虎故愚與王

凌陰謀立楚王乃先使人通意於王荅謝

黃塵皂莢

南史曰梁末有童謠云可憐巴馬子一日

行千里不見馬上郎但見黃塵起黃塵汚人衣皂莢相料理及僧辨滅羣臣以謠言奉聞曰僧辨本來巴馬以擊侯景馬上郎王字也而不解皂莢之謂既而陳滅於隋說者以爲江東謂殺羊角爲皂莢隋氏姓楊羊楊也

檢點作天子

宋史太祖紀曰周世宗嘗于文書囊中得木長三尺餘題云檢點作天子時張

永德爲殿前都檢點命太祖代之

負辰飛天歷

元史文宗紀曰司徒香山言陶弘景茹曲

有負辰飛天歷終是甲辰君之語今陛下生年紀號寔與之合此實受命之符乞錄付史館頒告中外詔令雜議之翰林諸臣議以爲唐開元間太子賓客薛讓進武后鼎銘云上玄降鑒方建隆基爲玄宗受命之符姚崇表賀而宋儒司馬光斥其揆偶合之文以爲符瑞今弘景之曲雖若偶合從其所合恐啓讖緯之端非所以定

民志事

遂寢

方建隆基

見上

作畿聖日

楊儼皇畿賦曰彼東昏之舊城易美

號于新室似興廢之有時而圖識之預出何以明而易昏符作畿于聖日

乘雞登寶位

明紀

齊梁之季誌公有偈曰若問江南事江南事有馮乘雞登寶位跨犬出金陵說者西屬雞乘雞者壓雞之上為戊申太祖登極之年也即以其年辛汴梁戌屬犬又明年為庚戌是跨犬也

逐燕日高飛

又建文時有謠云莫逐燕逐燕日高飛高飛入帝畿以為燕王之識也

符一

增劉熙釋名曰符付也書所敕命於上付使傳行之也漢書曰初禁網尚簡但以璽書發兵未有虎符之信

杜詩上疏曰兵者聖人所慎舊制發兵以虎符其餘徵
調竹使而已符本合會取為大信所以昭著國命斂持
威重也間者發兵但用璽書或以詔令如有姦偽無由
知覺書奏從之 文心雕龍定勢篇曰符檄書移則楷
式於明斷 潛確類書曰字合曰符

符二

原刻玉符

史記呂不韋傳曰華陽夫人承太子間從容
言子楚質於趙者絕賢來往者皆稱譽之乃

因泣涕曰妾幸得充後宮不幸無子願得子楚立以為
遠嗣以託妾身安國君許之乃與夫人刻玉符約以為

造嗣

銅虎符

漢書云文帝二年九月初與郡守為銅虎符竹使符

黃帝合符

史記

云黃帝合符釜山案索隱曰合諸侯符契主瑞而朝之于釜山猶禹會諸侯于塗山然也

漢帝奪

符

漢書云楚圖成畢漢王獨與滕公共車出成畢玉門北度河馳宿脩武自稱使者晨馳入張耳韓信壁奪

其印符麾召諸將往擊齊趙

舜合已符

呂氏春秋云客有問季子曰奚以知舜之能也季子

曰堯固已治天下矣舜言治天下而合已之符是以知其能也

勝敵之符

六韜云主與將有陰

符凡八等有大勝克敵之符長一尺破軍擒將之符長九寸降城得邑之符長八寸却敵報遠之符長七寸驚眾堅守之符長六寸請糧益兵之符長五寸敗軍亡將之符長四寸失利亡土之符長三寸

得邑

之符

詳上

王母之符

帝王世紀云昔蚩尤無道黃帝討之于涿鹿之野西王母遣道人以

符授之黃帝乃立請祈之壇親自受符視之乃昔日夢中所見也即于是日擒蚩尤

玄女出符

河圖記云玄女出行信符黃帝得之以刺蚩尤

投河逆流

抱樸子云葛仙翁為丹書符投江中

順流而下次投一符逆流而上次又投一符不上不下停在中流二符皆為就之

擲屋風靜

搜神記云吳猛有道德嘗守潯陽參軍周家有狂風暴起猛即書符擲屋上須臾風靜

青符壓

鬼

列仙傳云漢武帝時殿下有怪常見朱衣披髮相隨持燭而走帝謂劉憑曰卿可持此否憑曰可乃以青

符擲之見數鬼傾地帝驚曰以相戲耳乃解之

介象知其謬語

神仙傳曰介象見市中門

戶有道家符悉能讀之知其謬語

應詹佩以周旋

王隱晉書云應詹少多患淳于知乃

為符使佩之其文云惟茲實錄降自昊蒼佩以周旋萬壽無疆以上北堂書鈔

增麟符

唐書與服

志曰皇太子監國給雙龍符左右皆十
兩京北郎留守給麟符左二十右十九

虎符

玉海建
炎三年

五月二十六日

壺公符

神仙傳曰壺公者不知其姓
名也今世所有召軍符召鬼

癸卯改鑄虎符

神治病玉府符二十餘卷

誌公符

南史傳曰時有沙
門釋寶誌者不知

皆出自公故總名壺公符

何許人有於宋太始中見之出入中山往來都邑年已

五六十矣齊梁之交稍顯靈迹被髮徒跣語默不倫好

為識記所謂

青龍符

隋書文帝紀曰開皇七年四月
癸亥頒青龍符於東方總管刺

誌公符是也

史西方以騶虞南方以朱雀北方以玄武十
五年五月丁未制京官五品已上佩銅魚符

玉麟符

又傳云樊子蓋為河南內史文帝命留守東都曰社稷
大事終以委公凡可施行不勞形迹今為公別造玉麟

符以代銅獸比

木魚符

又文帝紀曰開皇九年閏月
頒木魚符於總管刺史雌一

之蕭何寇恂云

雄一十月頒木魚符
於京官五品已上

銀莛符

唐書高祖紀義寧二年
四月停竹莛符班銀莛

符武德元年九月
改為銅虎符

投符召魚

神仙傳曰玉子者姓韋名
震南郡人也少好學衆經

周幽王徵之不出每與弟子行各九泥為馬閉目
乘之日行千里臨淵投符魚鰲之屬悉來上岸

著

符致鳥

又曰尹軌者太原人也博學五經晚乃入道年
數百歲有怪鳥止屋上為書符着鳥所鳴處至

夕鳥伏
死符下

符能致遠

又曰李意期者本蜀人世傳見之
漢文帝時人也人欲遠行速至者

書符與之并丹書兩腋
下則千里皆不盡日至

符可愈目

宋史傳曰王仔昔
致和中徽宗召見

賜號冲隱處士帝以旱禱雨遣黃門持紙屬仔昔畫日
忽篆符其上乃細書焚符湯沃而洗之黃門懼不肯受
强之乃持蓋帝默祝為宮妃療赤目
者用其說一沃即愈封通妙先生

終軍棄符

漢書
傳曰

終軍文帝二年九月初與郡守相為銅虎竹使符終軍從濟南嘗詣博士出入關關吏與終軍繙軍繙而去後為使建節出關關吏識之皆曰此乃前日棄繙生也

郭丹買符

太平御覽漢記曰郭丹字

少卿初之長安買符以入函谷關數日丹不乘使者車終不出關矣後卒酬其志

御定淵鑑類函卷一百九十七

謹案第一頁前七行故論卑而易行刊本卑訛平

據史記改

第八頁後一行明帝函封詔與庾公亮刊本亮訛

信據語林改

第二十四頁前二行及在令狐楚府刊本狐訛絢


據唐書改下同

第二十四頁後二行張子高刊本張訛唐據論衡

改

第六十七頁後五行皆列學官刊本皆訛習據文

選改



總校官庶吉士臣張能照

校對官檢討臣王福清

謄錄監生臣秦在亶